



1. 6. 177

**D I S S E R T A T I O**  
*D E*  
**MENSIBVS AEGYPTIORVM.**

THE JOURNAL OF THE

ROYAL ANTHROPOLOGICAL INSTITUTE

1



16  
177

NICOLAI AVERANI

I. C. ET MATHEMATICI FLOR.

DISSERTATIO

DE MENSIBVS AEGYPTIORVM

IN GRATIAM

ANTONI MARIAE SALVINI

ADIECTIS NOTIS

P. HENRICI NORIS

CVRANTE

ANT. FRANCISCO GORIO

*nunc primum edita.*



FLORENTIAE . A. MDCCXXXVII.

EXCVDEBAT CAIETANVS ALBIZINIVS.

*Superiorum permiffu.*

995

12



NOBILISSIMO  
AMPLISSIMOQUE VIRO  
**D. MARTINO FOLKES**  
ARMIGERO ANGLO-BRITANNO  
REGALIS SOCIETATIS LONDINENSIS  
VICE - PRAESIDI  
MERITISSIMO AC DOCTISSIMO

ANT. FRANCISCVS GORIUS D. D.



Agnorum virorum , praefertim eorum , qui inter praeclara huius patriae ornamenta consentur , quoad vixero , numquam patiar eximia ingenii monimenta in forulis latitare : quin ab oblivione atque ab interitu vindicata , omni qua potero ope nitar , ut in publicam lucem vel per me , vel per alios mittantur .

tur . Id a me iam factum testantur editae Donianae Inscriptiones , ac breviter etiam testabuntur , ea quae ad veterem Musicam illustrandam , novamque restituendam perdocte excogitavit Ioannes Baptista Donius , Patricius Florentinus , quae , iam prelo commissa , quamprimum in conspectum eruditorum hominum venient . Testabuntur etiam , aliquando in lucem a me proferenda , insignia , adhuc tamen inedita , doctissimi Bernardi Oricellarii , Patricii Florentini , Commentaria in P. Victorem de Regionibus Urbis , quae accurate ipsemet exscripsi ex singulari codice membranaceo , quem inter multos optimos servat in sua domestica lectissima Bibliotheca Gabriel Riccardius , Canonicus Florentinus , de litteris optime meritus .

Qua vero ratione factum sit ut hanc aerumnosissimo opere elucubratam Dissertationem DE MENSIBVS AEGYPTIORVM in lucem revocarem , paucis ingenue fatebor . Quum ad illustranda numi-

mi-



mismata maximi moduli , quae in IV. volumine MVSEI FLORENTINI e Mediceo Thesauro actutum tradentur proferenturque , nuper me compararem , & cum celeberrimo viro Iosepho Averanio , summo Iuris Civilis in Pisano Athenaeo Interprete , mihi amicissimo , in familiari colloquio incidisset sermo de nummis Imperatorum Caesarum in Aegypto percussis atque epocha signatis : is egregius vir , pro sua in me singulari ac prorsus incredibili humanitate , ut meis studiis , more maiorum , faveret , atque adiumento esset , ostendit hanc ipsam Dissertationem DE MENSIBVS AEGYPTIORVM , olim a fratre suo NICOLAO τῷ μαχαριτῷ absolutam , & brevibus quibusdam Notis in margine diligenter illustratam , ac tamquam publica luce dignam , non paucis gemmis coronatam a praeclarissimo viro Henrico Norisio . Inscrisperat etiam eius frontem manu sua immortalis vir Antonius Maria Salvinus , meus Praeceptor , summo honore omni aevo me-

## VIII DISSERTATIONIS

memorandus , & hac epigraphe , in gratiam suam ab eximio auctore scriptam fuisse declarabat : *Dissertatio Nicolai Averanii de Mensibus Aegyptiorum , in gratiam Antonii Mariae Salvini . Adnotata ad margines sunt P. Henrici Noris .* Roganti mihi ut legendam traderet , non solum perlubenter tradidit , verum etiam dono dedit idem vir insignis Iosephus Averanius . Statim vero quum legissem , multumque ex eius lectione profecissem , doctorum hominum gratiam me initurum speravi , si publica luce donarem ; quod feci , eodem Iosepho Averanio permittente , ea conditione consilioque , ut paucissimis excusis exemplaribus , eam mitterem ad meos amicos doctos viros , praesertim exteros , ut ita facilius , quid de ea sentirent , explorarem : quod me facturum promisi .

Id igitur ut accurate consequar , statui , VIR SAPIENTISSIME , ad te confugere , qui summa doctrina summaque polles eruditione , qui in his studiis longē

ge omnium es versatissimus; quique in doctorum confessu amplissima praeftas auctoritate, & propter eximia tuae virtutis ac sapientiae merita, praees regalis Societatis inclytis sociis, qui & ipsi omnis antiquitatis, omnisque penitioris philosophiae arcanorum sunt consultissimi. Igitur penes te tuosque illustres Socios, de hoc opere iudicium esto.

Id autem ut facerem, multae me causae impulerunt. Vivit adhuc vivetque semper in memori animo meo tua in me eximia humanitas ac benevolentia, tuum iuvandi litteras ac litteratos homines flagrantissimum studium, quod egregie nobis ostendisti, quum duobus ab hinc annis cum filio tuo ornatissimo, optimae indolis, ac magnae spei adolescente, Florentiae diuturniorem agens moram, hanc nostram Urbem illustrare voluisti, atque apud te domi Academias frequenter instituere, in quibus res observatione dignas novis experimentis perdocte ostendebas, atque illustrabas. Hae-

§ §

rent

Te

rent animo humanissima verba & observationes tuae , quas extemplo depromebas , quum de rebus difficillimis te consulerem , tecumque liceret aliquam diei partem familiarissimo sermone identidem consumere , summaque animi mei voluptate de litteris atque ingenuis artibus ornandis aliquid conferre . Memini te mihi dicere , multa nondum ab aliis expensa , in adversariis habere , quae accuratissime elucubrasti in illustrandis cum Graecorum tum Romanorum antiquissimis mensuris ac ponderibus , veterumque pecunia , & quidem adserta ex genuinis eruditae vetustatis monumentis , quae in tuo per Italiam itinere ubique pervestigasti : quo labore quum in re antiquaria nil sit illustrius , nihil etiam profecto est difficilius ; tibi vero longe facillimum . Ea de re pervetusta quaedam , quae penes me erant , ponderatum Graeca tum Romana , tibi perlubenter ostendi , quae tuis observationibus eruditissime elucidasti . Siquidem eorumdem

dem antiquorum ponderum auctoritate, aurea Imperatorum Caesarum numismata, quae in Mediceo & Nicolinio Museo exstant, examinasti, collatoque eorum pondere cum hodiernis Anglicis & Florentinis, quid singula penderent, diligentissime mihi adnotasti. Vidisti etiam multa cum animi tui iucunditate apud me veterum Romanorum modium ex aere, toto terrarum orbe unicum archetypum, ad exemplum, ut inscriptio docet, illarum mensurarum, quae in Capitolio fuere, fabricatum, per Italiae regiones missum, curante D. Simonio Iuliano Praefecto Vrbi clarissimo viro. Hunc ipsum modium, forte fortuna a me inventum (nam iamdiu ex Museo Andreinio distractum fuerat) pretio a me redemptum, ut ab omni adversae fortunae casu vindicarem, una cum ponderibus illis, paullo post discessum tuum, donavi Magno Duci Etruriae, qui, ut cupiebam, in regio suo Cimeliarchio adservari iussit.

§ § 2

Illud

ba

Illud etiam , ut omnes intelligant , quot quantisque nominibus tibi sim devinctissimus , haud praetereundum cenfeo , te multa notatu digna monstrasse , quum te consulerem de vetustissimis Kalendaris , quae in Thesauro Gruteri edita sunt , praesertim de his quae pertinent ad illustrandum celebre illud Vrsinianum , editum pag. cxxxvi. 1. in quo , quod notatu dignum censuisti , quatuor anni temporum initia ( ac proinde aequinoctia & solstitia ) in eo adnotata , anticipant ; nam Ver incipit die vicesima Ianuarii : Aestas die vicesimaprima Aprilis : Autumnus die vicesimaquarta Iulii : Hiems die vicesimatertia Octobris : quae Kalendaria te doctissimum interpretem desiderant.

Tuae igitur in me eximiae humanitatis ac benevolentiae , ne ullo umquam tempore labatur memoria , atque ut omnes tuum de litteris deque studiosis hominibus bene merendi studium , voluntatem ac favorem intelligant , statui tibi mittere hanc DISSERTATIONEM ,  
eius-

eiusque fronti, tamquam votivæ perennis obsequii gratique animi mei tabulae, inscribere tuum praeclarissimum nomen, quo splendidius adpareat in conspectum hominum eruditorum, eoque facilius tuum potissimum eliciam iudicium. Eius parens, ut ante dicebam, fuit vir præstantissimus NICOLAUS AVERANIVS, Florentinus Iurisconsultus idemque Mathematicus, qui in gravissimis studiis, aliisque in operibus, nondum editis, ac præsertim in illustrando Ptolemaeo ac Theone, multum laboris impendit: alter ex illis ex Averania familia Triumviris; Benedicti & Iosephi (is est superstes) frater, qui litterariam rempublicam editis ingenii ac doctrinae monimentis egregie amplificarunt.

Accipe igitur hoc, VICE-PRAESES AMPLISSIME, exiguae quidem molis, sed immensi laboris & studii opusculum, ab optimo certe animo, & tibi deditissimo profectum; & si quid audacius feci, quam tua dignitas postulet, acquif-

XIV DISSERTATIONIS

aequissimus , ut soles , dimitte : mea quoque studia , ac praesertim in illustrandis ETRVSCIS ANTIQVITATIBVS , interpretandisque inscriptionibus conatus , ea qua polles auctoritate , fove ac tuere . Hoc si feceris , ad maiora aliquando praestanda egregia addes incitamenta , idque mihi tam gratum erit , quam quod maxime . Vive diu felix , Britannici regni eximium decus , studiorum ac litterarum columnen , vindex & propagator celeberrime .

DEDIC. VIII. IDVS OCTOBRES  
A. CIO. IO. CC. XXXVII.

IN-



## I N D E X

## CAPITVM

## DISSERTATIONIS

## DE MEN S I B V S

## ÆGYPTIORVM.

I. *Singuli Ægyptiorum menses triginta dies habebant . pag. 2.*

II. *De ordine ac serie & nominibus mensium . pag. 4.*

III. *Quot dies haberet annus Ægyptiorum . pag. 14.*

IV. *De diebus superadditis , & intercalariis . pag. 15.*

V. *Exquisitius confirmatur series & mensura mensium . pag. 18.*

VI.

- VI. *Collatio mensium Aegyptiorum & Romanorum inexplicabilis . pag. 20.*
- VII. *Autoris opinio ad concordandas expositas varietates . pag. 47.*
- VIII. *Confirmatur evidentiis multis aliis observationibus Autoris sententia . pag. 57.*
- IX. *De annis & mensibus Alexandrinis aliqua non iniucunda subiiciuntur . pag. 64.*





NICOLAI AVERANI

I. C. FLORENTINI

DISSERTATIO

DE MENSIBVS  
AEGYPTIORVM.



PROOEMIUM.



QVVM difficultatem in conferendis cum nostris, Graecorum mensibus, experiundo didicerim: arduum sane negotium suscipere eos semper existimavi, qui eorum inter se comparandorum rationem tradituros, & cui ex nostris quilibet dies mensium Graecorum responderet, demonstraturos se se pollicerentur; attamen, quum Ptolemaeo, astrorum interpreti maximo, evolvendo animum adieci, aliquid speculae mecum animo concepi, id in Aegy-

A

prio-

ptiorum mensibus aliqua ratione confici posse, si nimirum diligenter inspiceretur in qua Zodiaci parte Sol quolibet die esset. Quum itaque totus in hoc essem, contrarium prorsus accidere mihi prima inspectione expertus sum; ac eo magis in ea fui sententia, nullo pacto fieri posse, ut Graecorum menses ad nostros conformarentur, adeo diversis in signis, saepe etiam oppositis, eodem mense Solem fuisse tradit Ptolemaeus. Quare non mediocriter dolebam meas ad irritum spes cadere; & iam initi laboris poenitebat, omnemque huiusmodi curam missam facere statuebam; sed diligentius perpenso negotio, visus sum mihi aliquid, quod pro certo ponerem de Aegyptiorum mensibus, ex Ptolemaeo decerpisse; quodcumque igitur illud sit ego deinceps proponam.

*Singuli Aegyptiorum menses,  
triginta dies habebant.*

C A P. I.



INGULI menses tricenis diebus constant; hoc Ptolemaeus nobis indicat pag. 232. p. circa medium Cap. vi. Lib. ix. ubi affert observationem maximae distantiae matutinae Mercurii a Sole, quam inquit habitam fuisse die xxx. mensis *Φαγουση*, sequente die primo, subsequenter scilicet mensis: ex hoc apparet, hunc saltem mensem, triginta diebus compleri. Idem Theon pag. 279. p. in commentariis

tariis in Cap. 111. Lib. vi. efficit ; nam , si , inquit , colligatur , coniunctionem aut oppositionem Lunae contigisse dies xxxiv. post principium mensis  $\Theta\omega\theta$  , detrahendi erunt dies xxx. pro ipso  $\Theta\omega\theta$  , & reliqui quatuor denotabunt coniunctionem aut oppositionem contigisse die quarto mensis. Insequentis : ex quo deducitur & alterum mensem. hunc triginta dies complecti : & quum paullo ante tradiderit , a principio ipsius  $\Theta\omega\theta$  usque ad integrum mensem  $\text{Μεχίρ}$  , compleri dies clxxx. probabile efficitur , hoc temporis spatio sex menses absolvi , & singulos tricenis diebus includi ; & generatim omnes ( ne , quum de uno , aut altero tantum demonstraverim , omnes tricenis diebus componi , sumere mihi videar ) tricenis diebus constet ibidem pag. 279. f. docet enim coniunctionem aut oppositionem pro quibuslibet tricenis diebus tot menses post principium ipsius  $\Theta\omega\theta$  contigisse : quamobrem cunctis mensibus triceni dies tribuendi sunt , quod etiam Ptolemaeus pluribus in locis innuit ; nam docens quomodo deprehendatur quot gradus motu annuo Sol conficiat , spatio unius mensis ; iubet multiplicari gradus , quos peragit spatio unius diei per xxx. quemadmodum etiam in Luna pag. 85. f. Cap. 111. Lib. iv. & in quinque planetis pag. 207. f. Cap. 111. Lib. ix. quare omnes menses tricenis diebus circumscribi patet ; idque apertius elucescit ex tabulis motus singulis mensibus peracti a Sole , quas pag. 66. post Cap. 11. Lib. 111. exhibet , a Luna , quas pag. 91. & 92. post Cap. 111. Lib. iv. & denique a quinque planetis , quas pag. 213. & sequentibus usque ad 227. proponit , in quibus omnibus singulis ordinibus , qui mensem continent , tricenos dies addit , & insuper duodecim menses dies cccclx. nec amplius

complectuntur. Constat itaque omnes menses tricenis diebus compleri: nunc eorundem ordinem inquiramus.

## *De ordine ac serie & nominibus mensium.*

### C A P. II.



PRIMVS anni mensis apud Aegyptios erat  $\Theta\omega$ ; id coniectare licet ex eo quod Ptolemaeus quum statuere intendit Epochas planetarum, semper eas deprehendit, quae erant primo meridie mensis  $\Theta\omega$ ; scilicet Solis pag. 79. r. Cap. vi. Lib. i. Mercurii pag. 238. r. Cap. x. Lib. ix. Veneris pag. 244. r. Cap. v. Lib. x. Martis pag. 254. m. Cap. x. Lib. x. Iovis pag. 262. r. Cap. iv. Lib. xi. & demum Saturni pag. 271. r. Cap. viii. Lib. xi. Similiter in componendis tabulis conjunctionum & oppositionum, initium sumit a primo anno imperii Nabonafari, & primam apponit conjunctionem, ut pariter oppositionem, quae contingunt illius anni mense  $\Theta\omega$ , ut videre est pag. 136. m. f. in principio & medio Cap. i. Lib. vi. quare verisimile maxime efficitur Aegyptios anni initium fecisse mensem  $\Theta\omega$ ; sed hunc locum non libet amplius urgere; satis enim intelligo, quod, nisi Ptolemaeus disertis verbis affirmet, ab hoc mense Aegyptios annum auspicari, coniecturis id satis liquere non potest; nam semper ambiguum est

est utrum Aegyptii, an Ptolemaeus in recensendis siderum motibus, annum exordiat ab hoc mense; pro libitu enim quisque suo principium anni sibi fingere valet; quamobrem haec de anni principio ut probabiliora afferimus. Et quidem quod Ptolemaeus primum anni mensem ipsum  $\Theta\omega\theta$  constituat, ex adlatis constat; & verisimile est etiam apud Aegyptios hunc mensem primum fuisse, quum Ptolemaeus semper morem Aegyptiorum seruet. At videamus quo ordine reliqui menses eum sequantur, de quo certior extat ratio.

Secundus mensis est  $\Phi\alpha\upsilon\phi\iota$ ; dicit enim Ptolemaeus pag. 141. P. initio Cap. VI. Lib. VI. ut pariter Theon pag. 279. in commentariis in idem caput, quod si coniunctio aut oppositio Lunae contigerit xxxiv. diebus post principium mensis  $\Theta\omega\theta$ , dicendum est eam contigisse die quarto mensis  $\Phi\alpha\upsilon\phi\iota$ ; quare manifestum nullum alium mensem praecedere ipsum  $\Phi\alpha\upsilon\phi\iota$  praeter  $\Theta\omega\theta$ .

Tertius recensendus est  $A\theta\upsilon\rho$ ; habetur enim pag. 123. initio Cap. XII. Lib. V. a die Epocharum, hoc est a primo meridie mensis  $\Theta\omega\theta$ , usque ad observationem, quae habita est die XIII. huius mensis, praeter integros annos, praeteriisse dies LXXII. & pag. 125. M. Lib. V. Cap. XIII. circa medium usque ad diem XXVII. praeteriisse dies LXXXVI. & LXXIX. usque ad diem XX. pag. 254. M. Cap. X. Lib. X. & LXVI. usque ad diem VII. pag. 77. P. & 79. P. Lib. III. Cap. VI. circa finem; quare apparet, duos menses praecedere ipsum  $A\theta\upsilon\rho$ . Deinde pag. 255. P. initio Cap. I. Lib. XI. traditur, inter diem XIII. mensis  $\Phi\alpha\upsilon\phi\iota$ , & XX. ipsius  $A\theta\upsilon\rho$ , interesse dies XXXVII. quare hic mensis sequitur continuo post  $\Phi\alpha\upsilon\phi\iota$ ; & tertius erit, quum duos eum praecedere probetur.

Quar-

Quantum ponimus mensem  $\chi\alpha\acute{\iota}\alpha$ , adducti Cap. vi. Lib. iv. pag. 100. f. ubi tradit a die xviii. ipsius  $\Theta\acute{\omega}$  ante mediam noctem hor. --. 50. usque ad secundam ipsius  $\chi\alpha\acute{\iota}\alpha$  ante mediam noctem hor. 1. elapsos fuisse dies lxxiiii. hor. 23. 50. proinde a principio ipsius  $\Theta\acute{\omega}$ , usque ad principium huius mensis, recensentur dies xc. hoc est tres menses. Hic igitur quartus erit mensis.

Quintum censeo  $\tau\upsilon\beta\acute{\iota}$ , ex quo pag. 142. m. initio Cap. iv. Lib. vi. a primo meridie mensis  $\Theta\acute{\omega}$ , usque ad secundum huius, enumerat dies cxxi. & pag. 102. m. Lib. iv. Cap. viii. circa medium usque ad tertium, dies cxxii. nam ex hoc apparet inter primum meridiem mensis  $\Theta\acute{\omega}$  & primum ipsius  $\tau\upsilon\beta\acute{\iota}$ , intercedere dies cxx. sive quatuor menses; & hic erit quintus.

Sextus deprehenditur mensis  $\mu\epsilon\chi\acute{\iota}\rho$ , ex eo, quod pag. 106. f. Lib. iv. Cap. ix. circa finem, dicit inter primum meridiem mensis  $\Theta\acute{\omega}$  & nonum ipsius  $\mu\epsilon\chi\acute{\iota}\rho$ , interesse dies clviii. quamobrem primum meridiem huius mensis praecedent dies cl. & hic sextus erit mensis.

Septimus sequitur  $\Phi\mu\epsilon\nu\acute{\omega}$ ; quoniam a primo meridie mensis  $\Theta\acute{\omega}$ , usque ad xxiv. huius mensis, intercedunt dies cciii. ex pag. 106. f. Lib. iv. Cap. ix. circa medium, & dies cciii. hor. 18. 45. usque ad diem xxv. mane post ortum Solis hor. --. 45. ex pag. 111. f. initio Cap. iij. Lib. v. & dies cxcvi. usque ad diem xvii. pag. 125. f. Lib. v. Cap. xiiii. circa medium. Deinde ex pag. 95. f. initio Cap. v. Lib. iij. habetur, quod a die xviii. mensis  $\Theta\acute{\omega}$  post meridiem hor. 11. 10. usque ad xv. ipsius  $\Phi\mu\epsilon\nu\acute{\omega}$  post meridiem hor. 7. 40. elapsi sunt dies clxxvi. hor. 20. 30. & clxxvii. hor. 13. 45. a die xxvi. post meridiem



diem hor. 18. 39. usque ad diem xxiv. post meridiem hor. 8. 15. ex pag. 106. f. Lib. iv. Cap. ix. circa medium, & dies pariter clxxxviii. a die ix. usque ad sextum ex Theone pag. 284. f. in commentariis in Cap. iil. Lib. vi. Ex his itaque omnibus deducitur a principio mensis Θωθ, usque ad principium ipsius Φαμενωθ, compleri dies clxxx. & hoc expresse tradit Theon in commentariis in Cap. iil. Lib. vi. pag. 278. f. Quum vero hi dies conficiant sex menses, ipsum Φαμενωθ tot etiam menses praecedent. Demum pag. 60. f. Lib. iil. Cap. ii. circa principium, duo aequinoctia verna afferuntur, quorum alterum accigit anno xliiii. tertiae iuxta Callippum periodi ipsius Μεχιρ, die xxix. post mediam noctem, alterum vero anno l. eiusdem periodi, die primo mensis Φαμενωθ, occidente Sole, & affirmatur, spatium temporis inter primum & secundum, fuisse annorum vii. diei unius hor. 18. & proinde diem trigesimum mensis Μεχιρ subsequitur primus dies ipsius Φαμενωθ. Theon pariter in commentariis in Cap. iil. Lib. vi. pag. 284. f. tradit contigisse die xxi. mensis Μεχιρ eam coniunctionem, quae praecessit oppositionem diei sexti mensis Φαμενωθ: & quum coniunctio praecedat oppositionem dies circiter xv. patet nullum mensum interesse; quare constat ex his mensum Φαμενωθ subsequi ipsum Μεχιρ; quod etiam disertis verbis dicit Theon pag. 278. f. in commentariis ad dictum caput: rursus ergo probatur, sex menses praecedere ipsum Φαμενωθ; proinde septimus mensis ipse erit.

Octavam sedem sibi vendicat Φαρμουθι; a primo enim meridie mensis Θωθ, usque ad ipsius xi. ante meridiem hor. 5. 40. elapsos fuisse dies ccxix. hor. 18. 20. testatur pag. 112. f. Lib. v. Cap. v. circa

circa principium ; sequitur itaque usque ad principium ipsius Φαρμουθί enumerandos esse dies ccx. hoc est septem menses . Deinde pag. 245. r. Lib. x. Cap. vii. circa principium , a die xxvi. mensis Τυβί hor. 1. post mediam noctem , usque ad vi. ipsius Φαρμουθί hor. 3. ante mediam noctem recenset dies Lxix. hor. 20. & a principio itaque usque ad principium recensendi erunt dies xc. idest tres menses ; quatuor autem alii , ut diximus , praecedunt ipsum Τυβί . Ex hoc igitur etiam evincitur a principio mensis Θώθ , usque ad principium ipsius Φαρμουθί , enumerandos esse septem menses . Denique pag. 98. m. Lib. iv. Cap. v. circa medium , duas affert eclipses : altera observata fuit anno xix. imperii Hadriani , mensis Χοιάκ , die ii. altera anno insequente ipsius Φαρμουθί , die xix. Verum , quum alierat secundam post primam contigisse anno uno diebus cxxxvii. manifestum sit a principio mensis Χοιάκ , usque ad principium ipsius Φαρμουθί enumerandos esse dies cxx. videlicet quatuor menses : quod si his addiderimus tres , qui praecedunt Χοιάκ rursus probatum erit a principio mensis Θώθ , usque ad principium mensis Φαρμουθί , recensendos esse septem menses ; proinde octavus erit Φαρμουθί .

Nonum putamus fuisse mensem Πεχών , quia pag. 72. m. Lib. iil. Cap. iv. circa principium , tradit aequinoctium vernal , quod contigit die vii. ipsius , distasse ab autumnali , quod contigit die ix. mensis Αβύρ , dies clxxviii. quare dignoscitur praeteriisse dies clxxx. a principio mensis Αβύρ , usque ad principium ipsius Πεχών , alii autem lx. praecedunt ipsum Αβύρ : igitur dies ccxl. praecedent mensem Πεχών , scilicet menses octo . Praeterea pag. 62. r. Lib. iil. Cap. ii. in fine , docet aequinoctium vernal , quod contigit die xxvii. mensis Μεχίρ , anno

anno CLXXXVIII. post Alexandri mortem, praecessisse aequinoctium pariter vernal, quod contigit anno CCCCLXIII. post mortem pariter Alexandri die VII. mensis Παχών, praeter integros annos CCLXXXV. dies LXX. ex quo fit ut a principio mensis Μεσιρ usque ad principium ipsius Παχών, enumerandi sint dies XC. & consequenter dies CCXL. a principio mensis Θώθ. Denique pag. 102. M. Lib. IV. Cap. VIII. circa medium, ait a primo meridie mensis Θώθ, usque ad XVII. ipsius Παχών, praeteriisse dies CCLVI. & CXXXIII. a die III. mensis Τυβί; rursus itaque infertur, dies CCXL. praecedere ipsum Παχών, & propterea nonum esse mensē.

Decimus ordine incedit mensis Πᾶνυ; nam pag. 114. P. Lib. V. Cap. V. circa medium, docet a primo meridie mensis Θώθ, usque ad XVII. huius mensis, praeteriisse dies CCLXXXVI. & proinde dies CCLXX. scilicet IX. menses usque ad primum; quare ipse Πᾶνυ erit decimus. Diximus a primo meridie ipsius Θώθ, usque ad XVII. mensis Πᾶνυ, enumerari a Ptolemaeo dies CCLXXXVI. licet in editione Graeca legatur καὶ ἡμερῶν πς, idest, & dierum LXXXVI. pro certo enim habemus in ea editione deficere unum σ, hoc est CC. & legendum, καὶ ἡμερῶν σς, quod significat & dierum CCLXXXVI. nullo enim pacto locum mendosum esse evitari potest; quia si Πᾶνυ esset tertius mensis, praeteriissent dies LXXVI. non LXXXVI. si vero quartus CVI. propterea si locus expurgandus est perconimode cadit addere unum σ, quum insuper haec lectio conformetur ad editionem Latinam, interprete Georgio Trapezuntio, in qua legitur dies CCLXXXVI.

Vndecimus videtur mensis Επιφί; nam CCC.

B

dies

dies preecedunt illum ; & hoc colligitur ex pag. 111. M. Lib. v. Cap. 111. circa medium, ubi tradit observationem habuisse anno DCXIX. post statutas epochas die XVI. huius mensis hor. 6. 10. ante meridiem, scilicet praeter integros annos, diebus CCCXIV. hor. 17. 50. post primum meridiem mensis Θῶ ; ita pariter ex pag. 261. M. initio Cap. 111. Lib. XI. ubi habetur a primo meridie mensis Θῶ, usque ad XVII. ipsius Επιδί, compleri dies CCCXVI. & in pag. 238. M. Lib. IX. Cap. IX. in fine, quo in loco affirmat, observationes de Mercurio habitas, inter se distasse, praeter integros annos, dies CCLXXXIII. quum earum altera ex pag. 237. M. circa medium dicti capitis, habita fuerit die XVIII. mensis Θῶ ; altera vero die secundo ipsius Επιδί pag. 236. P. in principio dicti capitis, similiter ex pag. 103. P. Lib. IV. Cap. VIII. circa medium, ubi traditur a die XVIII. mensis Θῶ, usque ad XXVIII. ipsius Επιδί, elapsos fuisse dies CCCIX. & CCCXXVII. a primo meridie mensis Θῶ. Deinde pag. 252. P. initio Cap. IX. Lib. X. affert observationem de Marte, habitam anno LII. post Alexandri mortem, die XX. ipsius Αῦρ, ante ortum Solis ; alteram vero affert pag. 245. P. initio Cap. VII. Lib. X. habitam anno secundo imperii Antonini, die XII. ipsius Επιδί, ante mediam noctem ; tempus autem medium inter has duas observationes, pag. 254. P. in fine dicti Cap. IX. ait, fuisse praeter integros annos, dierum CCXXXI. hor. 15. quare a principio mensis Αῦρ, usque ad principium mensis Επιδί, intercedunt dies CCXL. & LX. ante principium mensis Αῦρ ; proinde etiam ex hoc capite probatur, ipsum Επιδί praecedere diebus CCC. Animadvertendum est nos dixisse, inter primam & secundam observationem, intercessisse

cessisse dies CCXXXI. licet dicta pag. legatur  $\lambda\alpha$ , idest XXXI. nam patens in eo loco deprehenditur lapsus; quamvis enim concederetur post  $\text{Αβύρ}$  sequi mensem  $\text{Επιφί}$ , nihilominus mendum non declinarem; namque a die XX. ipsius  $\text{Αβύρ}$ , usque ad XII. mensis  $\text{Επιφί}$ , enumerandi essent dies XXI. propterea tunc quoque locus emendandus esset, nec tamen conveniret, cum iis quae superius attulimus, & quae deinceps dicemus; itaque eam emendationem elegimus, quae illis consonat, & facilius habetur, quae sit addendo unum & eamque eo magis amplectimur, quod illi faveret versio Latina in qua legitur CCXXXI. Praeterea illud etiam animadvertendum est, scilicet dicta pag. 245. male legi eam observationem habitam fuisse  $\beta \text{ Επιφί}$ , idest *die secundo mensis Επιφί*; sed legendum esse  $\iota\beta$ , idest *duodecimo*, ut fecimus; cum quia in editione Latina legitur die XII. quamobrem manifestum est in Graeca unum desiderari; tum quia etiam in editione Graeca legitur  $\text{Επιφί} \beta \text{ εις την ιγ}$ : idest *mensis Επιφί die secundo in decimum tertium*; proinde evidens, quod legendum est  $\iota\beta \text{ εις την ιγ}$ , id est *die duodecimo in decimum tertium*; licet enim legeremus  $\beta \text{ εις την γ}$  idest *die secundo in tertium*; tamen non satisfaceret subducentibus calculos dierum & mensium, praeterquam quod discederemus a lectione Latina. Illud etiam emendavimus, & licet manifestus error comprobatione non indigeat, tamen, ut accuratius quam fieri possit, rationem reddamus, quicquid agimus, ideo causas, quibus adducti sumus, breviter afferemus; emendavimus, inquam, pag. 252. F. ubi legitur  $\rho\kappa \text{ εις την κα}$ , idest *die CXX. in XXI.* & legendum est  $\chi \text{ εις την κα}$ , idest *die XX. in XXI.* satis enim per se ipsa res clamat, scilicet quia men-

sis completi dies cxx. nequaquam potest: & licet completeretur, dicendum esset  $\rho\alpha\ \epsilon\iota\varsigma\ \tau\eta\nu\ \rho\alpha$ , idest *die cxx. in cxxi.* quare ex hoc ipso, quod non dixit *in cxxi.* indicatur nec dicendum esse *die cxx.* maxime quod etiam in versione Latina habetur *die xx. in xxi.* Denique pag. 245. f. initio Cap. vii. Lib. x. enumerat dies xcvi. a die vi. mensis  $\Phi\alpha\rho\mu\upsilon\theta\acute{\iota}$  usque ad xii. ipsius  $\text{Επιφί}$ ; quare inter horum mensium principia intersunt dies xc. quibus si addamus alios ccx. ante mensem  $\Phi\alpha\rho\mu\upsilon\theta\acute{\iota}$ , fient ccc. dies, qui praecedent ipsum  $\text{Επιφί}$ ; quum autem his diebus decem integri menses absolvantur, ipse  $\text{Επιφί}$  erit undecimus.

Duodecimus tandem erit mensis  $\text{Μεσορῆ}$ ; cum quia ceteris omnibus in sua sede collocatis, sola superest duodecima; tum quia pag. 106. m. in fine Cap. ix. Lib. iv. a primo meridie mensis  $\Theta\acute{\omega}\theta$  usque ad eclypsim, quae contigit die xvi. ipsius  $\text{Μεσορῆ}$ , enumerat dies cccxlv. & pag. 244. f. Cap. v. Lib. x. usque ad xvii. eiusdem mensis, dies cccxlv. & pag. 107. r. in fine Cap. ix. Lib. iv. usque ad quintum dies cccxxxiv. igitur usque ad principium huius mensis, enumerantur dies cccxxx. ut ex his omnibus locis deducitur. Deinde pag. 260. m. initio Cap. ii. Lib. xi. tradit observationem de Iove, habitam anno secundo imperii Antonini, die xxvi. ipsius  $\text{Μεσορῆ}$ , fuisse praeter integrum annum, diebus cclxxvi. post eam, quae ex pag. 255. f. initio Cap. i. Lib. xi. habita est anno primo pariter Antonini die xx. mensis  $\text{Αθύρ}$ ; & proinde horum mensium principia distant inter se dies cclxx. & alii lx. dies praecedunt ipsum  $\text{Αθύρ}$ . Ex hoc igitur etiam probatur a principio mensis  $\Theta\acute{\omega}\theta$ , usque ad principium ipsius  $\text{Μεσορῆ}$ , enumerari dies cccxxx. Rursus pag. 270. f. Lib. xi. Cap. vii. circa finem asse-

afferit observationem, quae ex pag. 269. r. initio Cap. vii. Lib. xi. habita est de Saturno die xiv. mensis Τυβί, vespere praecessisse oppositionem eiusdem Saturni cum Sole, quae contigit ex pag. 263. r. initio Cap. v. Lib. xi. & pag. 268. r. in fine eiusdem capituli, die xxiv. mensis Μεσορῆ, anno xx. Hadriani ante ortum Solis, praeter integros annos, dies ccxix. horas 18. proinde a principio mensis Τυβί usque ad Μεσορῆ, effluerunt dies ccx. & cccxxx. a principio mensis Θώθ. Praeterea ex pagina 107. r. Lib. iv. Cap. ix. in fine, habetur, quod inter diem nonum mensis Μεσίρ & quintum Μεσορῆ, intercesserunt dies clxxvi. quare a principio mensis Μεσίρ usque ad principium ipsius Μεσορῆ, elapsos fuisse constat dies clxxx. & cccxxx. a principio mensis Θώθ. Similiter pag. 63. r. Lib. iiii. Cap. i. in fine, a die xxi. mensis Φαμενώθ, usque ad xi. ipsius Μεσορῆ, recensentur dies cxl. quare principium mensis Φαμενώθ, praecedet ipsum Μεσορῆ dies cl. & cccxxx. initium mensis Θώθ. Denique pag. 72. m. Lib. iiii. Cap. iv. circa initium, refert Solstitium aestivum, quod contigit die xi. mensis Μεσορῆ post mediam noctem, distavisse dies xciv. hor. 12. ab aequinoctio verno, quod contigit mensis Παχών die vii. post meridiem; igitur ipse Μεσορῆ distabit ab initio mensis Παχών, dies xc. & ab initio mensis Θώθ, dies cccxxx. Quoniam itaque ex tot locis probatum est initium mensis Θώθ praecedere ipsum Μεσορῆ dies cccxxx. sive undecim menses, efficitur, ut ipse sit duodecimus mensis.

## Ordo mensium, eorumque nomina.

1. Θώ. <i>Tboth.</i>	7. Φαμενώ. <i>Phamenoth.</i>
2. Φωφι. <i>Phaophi.</i>	8. Φαρμουθί. <i>Pharmuti.</i>
3. Αθύρ. <i>Atbyr.</i>	9. Παχών. <i>Pachon.</i>
4. Χοιάκ. <i>Choiac.</i>	10. Πάυνί. <i>Payni.</i>
5. Τυβί. <i>Tybi.</i>	11. Επιφί. <i>Epiphi.</i>
6. Μεχίρ. <i>Mechir.</i>	12. Μεσόρη. <i>Mesore.</i>

*Quot dies haberet annus  
Aegyptiorum.*

## CAP. III.



x his omnibus, ex quibus ordinem mensium concinnavimus, evincitur etiam singulos menses tricenis diebus constare. Nihilominus integer annus constabat diebus CCCLXV. non CCCLX. Id autem apparet ex principio Cap. v. Lib. III. pag. 95. m. ibi enim asserit inter diem XXIX. mensis Θώ, primo anno imperii Mardocempadi, & diem XVIII. eiusdem mensis anno secundo pariter Mardocempadi, interfuisse dies CCCLIV. his si adiunxerimus dies undecim, qui interponuntur a die XVIII. usque ad XXIX. fient dies CCCLXV. & hi faciunt integrum annum. Idem etiam potest probari ex tabula motus



us annui Solis, quam pag. 65. post Cap. 11. Lib. 111. exhibet, in qua apponit motum, quem Sol conficit uno anno Aegyptiaco, esse graduum 359. 45. 24. 45. 21. 8. 35. & hi sunt gradus, quos Sol peragrat diebus CCCLXV. nam, ut ex tabula apparet, duodecim mensibus, hoc est CCCLX. diebus peragit gradus 354. 49. 43. 19. 15. 6. --. quinque autem diebus conficit gradus 4. 55. 41. 26. 6. 2. 35. & hi omnes simul compositi fiunt tot gradus, quot apponit peragi a Sole anno Aegyptiaco. Denique annum constari ex diebus CCCLXV. disertis verbis tradit cum pag. 62. m. Lib. 111. Cap. 11. circa medium, tum in pluribus aliis locis, ut pariter Theon in commentariis in Cap. 111. Lib. VI. pag. 281. f.

*De diebus superadditis,  
& intercalaribus.*

C A P. IV.



ICTVM est duodecim menses completi dies CCCLX. quum singuli constent tricenis diebus: nunc videndum quo pacto integer annus ex diebus CCCLXV. conficiatur, quum non inueniamus nisi duodecim menses; & sane non fuisse plures duodecim necesse est: menses enim tredecim continerent dies CCCXC. His itaque duodecim mensibus adiungebant quotannis dies quinque, quos quidem dies *επαγομενας*, hoc est superadditos & intercalares vocabant; &  
hoc

hoc manifeste apparet ex pag. 60. M. Lib. II. Cap. II. circa initium, & rursus in fine pag. 162. M. quibus in locis tradit anno XXXII. tertiæ iuxta Callippum periodi, æquinoctium autumnale contigisse τῇ τρίτῃ τῶν ἐπαγομένων; hoc est, *die tertio superadditorum*, & anno XXXVI. eiusdem periodi contigisse die quarto superadditorum. Hunc quasi parvulum mensem (mensem parvulum voco hoc spatium quinque dierum, quia, ut reliquorum mensium primum diem, νεωμηνίαν appellat eadem pag. 60. M.) inferebant inter ultimum mensem, scilicet Μεσορῆ, & primum, scilicet Θωῆ, quod colligitur ex dicta pag. 60. M. ubi tradit anno XVII. tertiæ iuxta Callippum periodi, autumnale æquinoctium, contigisse die xxx. mensis Μεσορῆ, occidente Sole: tribus vero annis post, hoc est XX. anno eiusdem periodi contigisse τῇ νεωμηνίᾳ τῶν ἐπαγομένων *primo die superadditorum mane*. Quum itaque annus ex diebus CCCLXV. componatur, spatio trium annorum æquinoctium non potest serius contingere, quam tribus circiter quadrantibus unius diei, & hoc spatio distabit secundum æquinoctium a primo; quare evidens est post trigessimum diem ipsius Μεσορῆ, continuo subsequi primum diem superadditorum. Enim vero quintum eorum nusquam legi, sed hoc nihil officit, quum probatum sit dies, qui annum constant, esse CCCLXV. propterea necessitate quadam efficitur, ut sint quinque; nam duodecim menses CCC LX. dies tantum complectuntur; proinde si solum quatuor esse dicantur, alius utique dies inter alios menses inserendus erit: & hoc pacto unum mensem ex XXXI. diebus constantem conficiemus contra Ptolemæi auctoritatem, quemadmodum diximus; quod si quis his rationibus non moveatur, adeat dictam pag. 62. M. ex qua conic-

coniectura aliqua duci potest, sic rem se habere; nam ibi tradit aequinoctium, quod anno tertio imperii Antonini contigit, die nono mensis  $\text{A}^{\theta\upsilon\pi}$ , mane una hora fere post ortum Solis distavisse ab aequinoctio, quod anno  $\text{CLXXVIII}$ . post mortem Alexandri contigit die tertio superadditorum, praeter integros annos dies  $\text{LXX}$ . hor. 7. quare inter mediam noctem diei tertii superadditorum, & mediam noctem diei octavi ipsius  $\text{A}^{\theta\upsilon\pi}$ , intercedunt dies  $\text{LXX}$ . & proinde a media nocte diei tertii superadditorum, usque ad mediam noctem primi diei mensis  $\text{A}^{\theta\upsilon\pi}$ , recensentur dies  $\text{LXIII}$ . &  $\text{LXII}$ . a principio diei quarti superadditorum, usque ad principium ipsius  $\text{A}^{\theta\upsilon\pi}$ ; verum a principio mensis  $\text{\Theta\omega\theta}$ , usque ad principium ipsius  $\text{A}^{\theta\upsilon\pi}$ , intercedunt dies  $\text{LX}$ . duo itaque erunt dies usque ad principium ipsius  $\text{\Theta\omega\theta}$ , scilicet quartus & quintus superadditorum. Idem fere arguitur ex pag. 243. f. Lib. x. Cap. iv. circa finem, ubi traditur interfuisse dies fere  $\text{CLXVII}$ . inter observationem, quae ex pag. 242. f. Lib. x. Cap. iv. circa medium, habita est die xvii. mensis  $\text{M}\epsilon\alpha\sigma\pi\eta$ , & eam quae ex pag. 241. f. initio dicti capitis, habita est die xxix. mensis  $\text{T}\upsilon\beta\iota$ ; quare detractis diebus  $\text{CXIX}$ . ab initio mensis  $\text{\Theta\omega\theta}$ ; usque ad diem xxix. ipsius  $\text{T}\upsilon\beta\iota$ , supersunt dies xviii. a die xvii. mensis  $\text{M}\epsilon\alpha\sigma\pi\eta$ , usque ad ipsum  $\text{\Theta\omega\theta}$ ; & rursus detractis diebus xiii. ipsius  $\text{M}\epsilon\alpha\sigma\pi\eta$ , reliqui sunt dies v. a fine mensis  $\text{M}\epsilon\alpha\sigma\pi\eta$ , usque ad initium mensis  $\text{\Theta\omega\theta}$ ; & tot sunt dies superadditi. Denique id colligitur ex Lib. iv. Cap. ix. circa finem pag. 106. m. ubi tradit a die xvi. eiusdem  $\text{M}\epsilon\alpha\sigma\pi\eta$ , usque ad ix. mensis  $\text{M}\alpha\chi\acute{\iota}\rho$ , praeteriisse dies  $\text{CLXXVIII}$ . ex quo deducitur, usque ad primum diem mensis  $\text{\Theta\omega\theta}$ , praeteriisse dies xix. & proinde dies superadditos esse quinque.

C

Ex-

*Exquisitius confirmatur series  
& mensura mensium.*

C A P. V.



IS positus, rursus confirmatur ordo mensium, quem supra posuimus, & primum ex his tribus ultimis locis, quibus probavimus, dies superadditos quinque existere, ex iisdem etiam patet mensem  $\text{A}\theta\upsilon\text{p}$  esse tertium, & quintum  $\text{T}\nu\beta\iota$ , sextum vero  $\text{M}\epsilon\chi\iota\text{p}$ , quod pariter ex aliis locis aperte constat; scilicet de ipso  $\text{A}\theta\upsilon\text{p}$  ex Lib. XI. Cap. III. in fine pag. 262. r. ubi ab observatione de Iove, quae ex pag. 261. m. in principio dicti capitis habita est die XVII. mensis  $\text{E}\pi\iota\phi\iota$ , usque ad oppositionem Iovis cum Sole, quae ex pag. 255. r. & 260. r. in principio & fine capitis primi Lib. XI. contigit die XX. mensis  $\text{A}\theta\upsilon\text{p}$ , recenset dies CXXVIII. scilicet dies XLVIII. usque ad Mensem  $\text{O}\omega\gamma$ , & LXXX. ab initio ipsius  $\text{O}\omega\gamma$ , usque ad XX. mensis  $\text{A}\theta\upsilon\text{p}$ ; & proinde usque ad principium ipsius  $\text{A}\theta\upsilon\text{p}$ , dies LX. nempe duos menses; & propterea ipse erit tertius mensis. De mense  $\text{T}\nu\beta\iota$  nihil aliud extat, quo locum eius rursus deprehendamus, praeter illud, quod iam attulimus ad probandum dies superadditos esse quinque, & eos post mensem  $\text{M}\epsilon\sigma\sigma\phi$  subsequi. Locus vero mensis  $\text{M}\epsilon\chi\iota\text{p}$  comprobatur ex initio Cap. VI. Lib. XI. pag. 268. m. ubi habetur, quod inter observationem, quae ex pag. 263. r. & 268. r. in principio & fine Cap. V. Lib.

Lib. xi. habita est die xxiv. mensis Μισορῆ, & eam observationem, quae ex pag. 268. m. initio Cap. vi. Lib. xi. habita est die sexto ipsius Μ·Χίρ, intercesserant dies clxvii. scilicet dies xi. a die xxiv. ipsius Μισορῆ, usque ad primum mensis Θώθ, & clvi. a primo die mensis Θ·θ, usque ad sextum ipsius Μ·Χίρ, & usque ad principium ipsius cl. sive quinque menses; quamobrem mensis Μ·Χίρ erit sextus. Rursus quod Φαωφι sit secundus, confirmatur ex pag. 255. p. initio Cap. i. Lib. xi. ibi enim docet duas oppositiones Iovis, quarum prima contigit die primo mensis Επιφι, una hora ante mediam noctem, altera vero mensis Φαωφι die xiii. duabus horis ante mediam noctem distavisse inter se praeter integros annos dies cvi. hor. 23. quare infertur a die primae oppositionis usque ad primum mensis Φαωφι, praeteriisse dies xciv. Detrahis igitur diebus lxiv. usque ad primum diem mensis Θώθ, supersunt dies xxx. a primo ipsius Θώθ, usque ad primum mensis Φαωφι; proinde hic erit secundus. Praeterea quod Χοιάκ sit quartus, dignoscitur ex Lib. iv. Cap. v. circa medium pag. 98. m. ubi a die xx. mensis Πᾶνι ante mediam noctem unius horae tribus quadrantibus, usque ad secundum mensis Χοιάκ, una hora ante mediam noctem enumerat dies clxvi. hor. 23. 45. quare subductis diebus lxxv. usque ad primum diem mensis Θώθ, supersunt dies xci. hor. 23. 45. a primo die mensis Θώθ, usque ad secundum ipsius Χοιάκ, & xc. dies usque ad primum; scilicet integri tres menses: ergo Χοιάκ erit quartus. Denique Lib. iv. Cap. ix. circa medium pag. 106. p. tradit diem xvi. ipsius Θώθ, distare a die xxiv. mensis Φαμενώθ dies clxxxvii. e converso igitur dies xxiv. mensis Φαμενώθ, distat

dies CLXXXVIII. a die XVI. mensis Θῳῖ ; & proinde principium mensis Φαμενωνῖ distat a principio mensis Θῳῖ dies CLXXX. qui conficiunt sex menses a principio ipsius Θῳῖ . Est igitur Φαμενωνῖ septimus mensis .

## *Collatio mensium Aegyptiorum & Romanorum inexplicabilis.*

### C A P. VI.



**D**EINCEPS inspiciendum superest , cui ex nostris quilibet horum mensium respondeat ; & ordine , quem posuimus , procedentes , incipiamus ab ipso Θῳῖ : hic videtur primum nostro Novembri respondere ; nam Lib. VII. Cap. III. circa finem pag. 170. F. docet Solem die VII. huius mensis obtinuisse grad. 15. circiter Scorpionis ; & proinde hoc anno huius mensis primo die , Sol fuerat circiter in octavo eiusdem signi ( praetermitto locum Solis ex tabulis Ptolemaei exactius inquirere , ne frustra prolixior evadam quam par est ; sufficit enim locum Solis circiter deprehendere ) & ideo die XXI. Sol attigit Sagittarium , quem ad XI. Kal. Dec. attingit ; quare mensis Θῳῖ omnino nostro Novembri respondebit .

His , ita deductis ex Ptolemaeo , facile quilibet assentietur ; vereor tamen ne quum ex aliis locis evicerimus eundem Θῳῖ alii potius mensi respondere , ex hac sententia dimoveatur , ac in dubium

vo-

vocare conetur, an hoc loco aliquis lateat error; ideo coniecturis confirmare aggrediar corruptum, non esse textum. Et primum quod Sol fuerit in 15. Scorpii, ex eo conicitur, quod dicit fuisse ante ortum Solis hor. 2. 30. & fuisse in meridiano grad. 22. 30. Geminorum; proinde cuilibet apparet, Solem fuisse in 15. circiter Scorpii: & ex tabulis etiam, quas pag. 37. & pluribus sequentibus exhibet, omnino constat Solem fuisse in 15. Scorpii. Praeterea oriebatur grad. 22. 30. Virginis, ex quo per easdem tabulas deprehenditur ibi fuisse Solem. Quod autem fuerit mensis  $\Theta\omega$ , nihil habeo quo id confirmem; tamen nihil dubito quin fuerit hic mensis, quum etiam legatur in versione Latina, ut pariter alia omnia, & insuper ex plurimis aliis locis, habetur mense  $\Theta\omega$  Solem fuisse in Scorpione.

Quemadmodum Lib. ix. Cap. vi. in fine pag. 232. M. ubi tradit hoc duobus locis, in uno, Solem die ix. huius mensis fuisse in 5. 6. Scorpionis; in altero vero, die xxvii. fuisse in 24. 30. eiusdem signi; quare ex utroque loco colligitur Solem attigisse Scorpium die iv. huius mensis: & propterea ipsum mensem incepisse xv. Kal. Novembris, & ipsi Novembri propiorem esse. Quod autem fuerit in 5. 6. Scorpii, hoc fere pacto comprobatur: dicit Mercurium fuisse vero motu in 14. 6. Librae; & hanc maximam distantiam matutinam Mercurii a Sole, fuisse grad. 21. consequens igitur est, Solem fuisse in 5. 6. Scorpii. Eodem pariter argumento evincitur, die xxvii. mensis  $\Theta\omega$ , Solem fuisse in 24. 30. Scorpii, quum Mercurius vero motu fuerit in 2. 20. Scorpii, & haec maxima distantia matutina fuerit grad. 22. 30. Praeterea asserit, quod si gradibus, quos obtinebat Sol tem-

tempore primae maximae distantiae matutinae, addantur novem gradus, habebuntur grad. 14. 6. Scorpii; quare tempore quo contigit haec maxima distantia, Sol erat in 5. 6. Scorpii. Iam ut confirmetur, quod diximus, scilicet, quod additis novem gradibus loco ubi erat Sol in prima maxima distantia matutina, habituri essemus grad. 14. 6. sciendum est Ptolemaeum paulo superius deprehendisse maximam distantiam vespertinam Mercurii grad. 21. 40. Sole existente in 27. 50. Leonis. Deinde etiam, sciendum est, Apogaeum Excentrici esse in medio illorum punctorum, in quibus maxima distantia vespertina, Sole existente in uno eorum, est aequalis maximae distantiae matutinae, Sole existente in altero eorum. His positis, quum ex his maximis distantiiis deprehendat Apogaeum Excentrici esse in 6. Librae, patet maximam distantiam matutinam grad. 21. 40. scilicet aequalem vespertinae, contingere Sole existente in 14. 6. Scorpii; gradus enim 6. Librae sunt in medio grad. 27. 50. Leonis, & 14. 6. Scorpii; proinde satis confirmatum est, addendo gradus, quos addi praecepit, haberi grad. 14. 6. Scorpii. Modo confirmari potest addendos esse gradus novem. Neque enim ex observationibus deprehendit Sole existente in 14. 6. Scorpii, maximam distantiam matutinam esse grad. 21. 40. sed ex aliis duabus maximis distantiiis matutinis, quarum altera grad. 21. contigit Sole existente in 5. 6. Scorpii; altera vero graduum 22. 30. contigit Sole existente in 24. 50. Scorpii: quum itaque in gradibus 19. 44. augeatur maxima distantia matutina grad. 1. 30. augebitur grad. — 40. in gradibus 9. proinde constat addendos esse gradus 9. ipsi loco ubi erat Sol in prima matutina maxima distantia, ut habeatur locus, in quo  
So-



Sole existente, contingat maxima distantia matutina aequalis vespertinae: quum autem praeterea constet hunc locum esse in grad. 14. 6. patet, Solem, tempore quo contigit maxima distantia matutina, prima, fuisse in 5. 6. Scorpionis.

Rursus Lib. ix. Cap. ix. circa medium pag. 237. M. habetur die xviii. mensis  $\Theta\omega$ , Solem fuisse in 20. 50. Scorpil: igitur mensis incoepit ad ix. Kal. Novembr. & ad ipsum Novembrem proxime accedit. Nec huic loco mendum affingere possumus; nam quod fuerit in Scorpio, coniectura aliqua duci potest etiam ex eo quod dicit, tempore huius observationis fuisse diem xxii. mensis iuxta Dionysium  $\sigma\kappa\omicron\rho\pi\iota\omega\nu\omicron\varsigma$ , & quatuor diebus post habitam observationem fuisse diem xxvi. eiusdem mensis  $\sigma\kappa\omicron\rho\pi\iota\omega\nu\omicron\varsigma$ ; quibus mensibus Sol est semper in eo signo, aut prope abest, a quo denominantur, ut saepius observavi. Praeterea in hac matutina distantia Mercurius erat motu vero in 3. 20. Scorpionis; propterea etiam Sol erat in Scorpione; non enim erat distantia maxima: & licet fuisset, tamen Sol extitisset in eodem signo, quum maxima distantia matutina non excedat grad. 26. ut patet ex tabula maximarum distantiarum Mercurii, quam pag. 299. post Cap. viii. Lib. xii. exhibet. Nec adduci possum ut credam errorem inesse in designando mense; ibi enim bis repetit fuisse mensem  $\Theta\omega$ , & toties pariter in editione Latina repetitur. Videtis igitur quot loca erroris nomine suspecta forent, nisi concedimus mensem  $\Theta\omega$  nostro Novembri respondere; nec vero tot locis assertionem hanc confirmare opus fuisset; sed hoc ideo factum est, ne in dubium revocetur ex iis quae deinceps dicturi sumus.

Modo eundem mensem Decembri propiorem esse evincamus. Hoc habetur ex principio Cap. ix.

Lib. iv.

Lib. iv. pag. 105. m. ibi enim tradit Solem die xxvi. huius mensis fuisse in 28. 18. Sagittarii : ex quo colligitur Solem attigisse Capricornum die circiter xxviii. huius mensis : quum vero Sol illum attingat xii. Kal. Ianuarias , patet hunc mensē incepisse viii. Kal. Decembris : & propterea , si ulli ex nostris mensibus , ipsi Decembri comparandus est . Quod fuerit in Sagittario , nemini in dubium cadere potest , quum bis hoc asserat , primum dicens fuisse in fine Sagittarii ; deinde paulo inferius in 28. 18. Sagittarii .

Rursus Luna erat in Geminis , quod duplici ex capite colligitur ; nam & dicit eam fuisse motu medio in 24. & 20. Geminorum : & rursus dicit vero motu fuisse in 28. 17. Geminorum . Si itaque Luna motu vero existeret in 28. 17. Geminorum , Sol utique erat in 28. 18. Sagittarii , quum esset in oppositione , quoniam accidit lunaris eclipsis .

Praeterea Sol tempore quo contigit alia eclipsis , quam inferius affert , distabat ab eo puncto in quo existeret , quando contigit haec eclipsis , grad. 173. 28. atqui in secunda eclipsi erat in 21. 46. Geminorum : igitur in prima erat in 28. 17. Sagittarii .

Similiter ex eodem Cap. ix. circa medium pag. 106. r. m. colligitur , mensē *ἑα* convenire potius cum nostro Decembri , quum dicat die xvi. ipse , Solem fuisse in 17. 30. Sagittarii . Quin Sol fuerit in 17. 30. Sagittarii , dubitandum non est ; nam iisdem ac superius rationibus confirmari posset ; hic vero adhuc probabilius redditur , quum hic locus consonet superiori , in quo pariter traditur , Solem hoc mense obtinuisse Sagittarium . Abesse autem omnem suspicionem de mense *ἑα* oportet ; nam hic bis asserit fuisse mensē *ἑα* , & semel su-

superius ; & insuper tribus pariter locis habetur in editione Latina ; adeo ut inverisimile efficiatur , tot loca corrupta esse : & idem cadit in locum Solis , ut scilicet non ambigatur an fuerit in Sagittario .

Iam mensē ☿ Martio potius respondere evincam ; nam ex principio Cap. v. Lib. iv. pag. 95. M. habetur , quod die xxix. huius mensis , Sol erat in 24. 30. Piscium , & anno sequente die xviii. erat in 13. 45. Piscium . Ex his itaque locis colligitur , Solem attigisse Pisces die circiter quarto huius mensis : ac propterea ipsum mensē incepisse ad xii. Kal. Mart. quare nulli melius quam ipsi Martio comparabitur .

Ne vero quispiam aegre persuasus , eundem mensē nunc Novembri , nunc vere Martio respondere in animum inducat , mendum aliquod potius illapsū esse ; evellenda est omnis erroris suspicio , quo nihil facilius . Nam in eo signo fuisse Solem , initio dicti capitis bis asserit , & repetit etiam in medio eiusdem capitis pag. 98. r. & Theon pariter asserit in commentariis in idem caput , scilicet quod cum contigit prima eclipsis , Sol erat in 24. 30. Piscium ; quum vero contigit secunda in 13. 45. & denique Ptolemaeus , Solem mense ☿ obtinere signum Piscium docet pluribus aliis locis , nempe in fine Cap. vi. Lib. iii. pag. 79. r. ubi demonstrat Solem primo meridie huius mensis primo anno imperii Nabonasari fuisse in --. 45. Piscium , & quod hic demonstravit , repetit in Cap. ii. Lib. vi. pag. 136. M. & in Cap. x. Lib. ix. pag. 238. r. & in Cap. v. Lib. x. pag. 244. r. quibus duobus ultimis locis dicit , Mercurium & Venerem fuisse dicto primo meridie medio motu in --. 45. Piscium , quum hoc motu sint semper in eodem puncto ac Sol . Praeterea pag. 10. M. Cap. vii. Lib. iv.

D

inve-

investigans ubi esset Luna primo meridie ipsius Θ<sup>41</sup>, primo anno imperii Nabonafari, repetit Solem tunc fuisse in --.45. Piscium : & insuper cum demonstraverit, Lunam eo tempore fuisse in 11. 22. Tauri, concludit Apocham, idest distantiam Lunae a Sole, fuisse grad. 70. 37. proinde etiam Sol erat in --.45. Piscium. His accedit Theon, qui hoc saepius affirmat, scilicet in commentariis in dictum Cap. vi. Lib. 111. & in dictum Cap. x. Lib. ix. & in Cap. v. Lib. x. & in Cap. vi. Lib. iv. Quod si addamus versionem Latinam, in qua tot locis quot in editione Graeca Ptolemaei legitur, mense Θ<sup>41</sup> Solem extitisse in Piscibus, verissimum esse nemo ambiget ibi Solem fuisse; attamen ad uberio-rem comprobationem, coniecturam etiam asseremus.

Quoniam in dicta pag. 95. asserit Lunam eo tempore, quo accidit secunda eclipsis, fuisse in 13. 45. Virginis: necessario sequitur Solem tunc fuisse in 13. 45. Piscium, quum id temporis contingeret eclipsis, & propterea Luna esset in oppositione.

De mense nihil pariter dubitandum est, quum hoc toties asseratur a Ptolemaeo & a Theone. Huc illud etiam accedit, quod toties etiam legitur in versione Latina, quoties apud Ptolemaeum extat in editione Graeca fuisse mensem Θ<sup>41</sup>, ut inverisimile prorsus reputandum sit toties erratum fuisse in editionibus alioqui emendatis, & eo pacto, quo ex Latina versione comprobavi fuisse mensem Θ<sup>41</sup>, adhuc confirmari potest, Solem fuisse in Piscibus; in ea enim toties repetitur Solem fuisse in hoc signo, quoties habetur apud Ptolemaeum.

Si vero etiam Theonem adeamus, comperiemus hunc mensem ab illo, Iunio potius comparari. Animadvertimus enim, quod quum inquirat, qua hora contigerit eclipsis Solis anno MCXII. ab im-  
perio

perio Nabonafari, tradit pag. 277. in commentariis in Cap. 111. Lib. vi. Solem die xxiiii. ipsius ☉ fuisse in 23. 10. 7. Geminorum; propterea Sol attigit Geminos die xxx. mensis praecedentis; quare mensis praecedens definit xii. Kal. Iun. & ipse ☉ incipit xi. Kal. Iun. nulli igitur melius quam Iunio nostro consonat. Dubium autem an Sol fuerit in hoc signo, ex sequentibus coniecturis evelli potest.

Primum enim dicit Solem distavisse ab Apogaeo sui excentrici grad. 17. 40. 7. verum Apogaeum ex Ptolemaeo erat in 5. 30. Geminorum, quod demonstrat Lib. 111. Cap. 1v. circa medium pag. 72. r. & alibi saepius repetit: efficitur itaque ex his ut Sol fuerit in 23. 10. 7. Geminorum.

Deinde, quum dicat Solem abfuisse 83. 10. 7. a principio Arietis, sequitur eum fuisse in 23. 10. 7. Geminorum. Similiter, quum dicat quod motus verus Solis erat minor motu medio grad. --. 41. 20. constat abfuisse ab Apogaeo grad. 17. 40. 7. sive quod fuerit in 23. 10. 7. Geminorum; ex tabula enim prosthaphaereseon, quam Ptolemaeus pag. 78. post Cap. v. Lib. 111. nobis exhibet, motus verus Solis minor est medio grad. --. 41. 20. quum tot gradus distat ab Apogaeo.

Rursus docet, quod si a medio Solis motu detrahamus grad. --. 41. 20. scilicet prosthaphaeresim, quae contingit Sole existente in eo puncto, colligemus Solem vero motu fuisse in 22. 28. 47. Geminorum; quare Sol erat in 23. 10. 7. Geminorum medio motu.

Praeterea asserit Lunam motu vero, qui minor erat eiusdem medio grad. 3. 50. 8. in 19. 19. 59. Geminorum; quare ex hoc sequitur eam motu medio fuisse in 23. 10. 7. Geminorum; ut etiam ipse

dicit disertis verbis, scilicet Lunam medio motu in 23. 10. 7. Geminorum fuisse : igitur , quum contingeret tunc coniunctio media , ibi etiam erat Sol medio motu .

Demum saepius in commentariis in idem caput pag. 281. M. & F. repetit , Solem fuisse in Geminis postquam deprehendit quo tempore contigerit vera coniunctio ; quod enim agat de eadem coniunctione , nullum adest dubium , quum haec contigerit eodem anno M C X I I . ab imperio Nabonafari die XXIV. eiusdem  $\Theta\omega^9$  .

De mense non videtur ambigendum , nam dicta pag. 277. tradit, fuisse mensem  $\Theta\omega^9$  ipse Theon ; & dicta pag. 281. M. & F. ter repetit coniunctionem veram contigisse die XXIV. huius mensis . Quibus positis , satis constat hunc mensem Iunio propiorem esse .

Ultimo tandem probatur, hunc mensem Augusto propiorem esse . Ad hoc unico Ptolemaei locoutar ; ille enim pag. 239. Lib. X. Cap. 1. circa medium, observavit die XI. mensis  $\Theta\omega^9$  , maximam distantiam matutinam Veneris a Sole existente in 5. 45. Leonis ; quare Sol attigit hoc signum die circiter quinto mensis  $\Theta\omega^9$  , & ipse mensis incoepit XVII. Kal. Augusti : proinde, etsi nulli ex nostris mensibus omnino conveniat, tamen Augustum propius accedit, quam ad ullum alium .

Vt autem omnes facilius persuadeantur sic rem se habere, recensebimus errores, quos in hac editione inesse fatendum est , nisi concedatur Solem fuisse in Leone . Primum asserit hanc maximam distantiam matutinam fuisse grad. 47. 15. & Venerem motu vero in 18. 30. Geminorum fuisse . Si igitur Sol non erat in 5. 45. Leonis , aut distantia non erit grad. 47. 15. etsi matutina distantia non est tot gra-

graduum, etiam vespertina non erit grad. 47. 15. Hoc itaque alium errorem (ut praetermittam alium rursus errorem, qui ex hoc oriretur, ne longius quam par est digrediar) involueret; nam distantiam vespertinam aequalem esse matutinae opus est; aut ei maxima distantia matutina tot est graduum. Venus ipsa non erit motu vero in 18. 30. Geminorum, & ex hoc pariter emergit alius error scilicet in maxima distantia vespertina, Venus motu vero non fuerit in 1. 30. Tauri; nam Apogaeum excentrici Veneris erat in 25. Tauri, & esse debet in medio punctorum, in quibus Sol est in maximis distantis, matutina scilicet & vespertina. Si itaque tempore, quo contigit maxima distantia matutina, Venus non erat in 18. 30. Geminorum, nec in vespertina erat in 1. 30. Tauri motu vero. Ex hoc igitur capite duo alii errores, ut minimum consequentur.

Deinde Apogaeum est in 25. Tauri, in quo proculdubio non decipimur, quum hoc demonstraretur ex his observationibus, & ipse expresse asserat in fine dicti capitis primi Lib. x. & praeterea repetat in Cap. 11. Lib. xi. pag. 240. r. & quamplurimis aliis locis, quibus, si Apogaeum non esset in 25. Tauri, multi alii errores attingendi essent. Hoc igitur posito, si Sol non erat in 5. 45. Leonis, tempore quo contigit maxima distantia matutina, nec tempore maximae distantiae vespertinae erit in 14. 15. Piscium; alioquin Apogaeum non esset in medio punctorum, in quibus existerat Sol tempore maximarum distantiarum, quod dici minime potest.

Animadvertendum est frustra quem suspicari posse de errore in maximis distantis; nam etsi concedamus esse minores; nihil tamen hoc relevat.

Pri-

Primum enim non possunt esse minores grad. 45. 14. ut ex tabula maximarum distantiarum Veneris, quam pag. 299. post Cap. VIII. Lib. XII. exhibet, apparet; quare nihilominus Sol esset in Leone: & licet pauciorum graduum esse supponeretur, ad summum illud evinceretur, scilicet, Solem fuisse in Geminis: & quidem parvi interest, quod Sol non sit in Leone, si tamen Sol fuerit in Geminis, & superius probatum est fuisse in Sagittario; & in Piscibus hoc mense. Maior autem quam grad. 47. 15. maxima distantia matutina esse non potest, ut ex tabula patet: & licet concederetur esse maiorem, nihil tamen prodesset; nam, ut Sol esset tunc in Sagittario, aut in Piscibus, opus esset, ut supponeretur distantia graduum fere 180. aut etiam plurium, quod admitti non potest; quum cuilibet animo adiicienti ad observandos motus Veneris, compertum sit, eam nonnisi certis gradibus digredi a Sole, non vero per semicirculum; aut, si distantia non sit graduum circiter 180. & Sol sit in Sagittario, vel in Piscibus: Venus motu vero non erit in 18. 30. Geminorum, quod quot errores involuat, dictum est. Iam constat, quod, si non concedamus, Solem fuisse in 5. 45. Leonis; tres alios errores iniiciemus huic editioni, & his addendus erit & alius in editione Theonis in commentariis in dictum caput primum Lib. x. quo loco confirmatur, Solem tempore maximae distantiae matutinae, fuisse in 5. 45. Leonis: & insuper quatuor aliis locis errores addentur ad minimum in versione Latina. Verum, quia de loco Solis, his argumentis demonstrato, nemo possit ambigere; conabimur, prout licuerit, fuscipionem a mense etiam avertere. Quod fuerit mensis *Θω*, probabile efficitur, cum quia etiam in versione Latina legitur fuisse diem



diem xi. mensis Θώθ; tum quia licet ponamus fuisse alium mensem, non tamen consequeremur nensem Θώθ Solem esse in Piscibus, quum dicat Solem fuisse in 14. 15. Piscium, tempore maximae distantiae vespertinae, quae contigit die xxi. mensis Φαρμοῦβι; quare nullo modo Sol mense Θώθ erat in Piscibus: quod si velimus Solem mense Θώθ fuisse in Piscibus, admittendus erit alius error in designando mense quando contigit maxima distantia vespertina. Ex his, quae huc usque demonstrata sunt, manifestum sit, nulli certo mensi respondere Aegyptiorum menses, nec opus esset de singulis idem probare; nam quando docuimus mensem Θώθ respondere Novembri, necesse est, ut tunc Φαωφι Decembri, Αθύρ Ianuario, Χοϊάκ Febuario, Τυβί Martio, Μεχίρ Aprili, Φαμενώθ Maio, Φαρμουθ Junio, Παχών Iulio, Παῦνι Augusto, Επιφί Septembri, Μεσορῇ Octobri, respondeat. Quando vero ipsum Θώθ cum Decembri potius convenire dictum est, etiam Φαωφι cum Ianuario, Αθύρ cum Febuario, Χοϊάκ cum Martio, Τυβί cum Aprili, Μεχίρ cum Maio, Φαμενώθ cum Iunio, Φαρμουθ cum Iulio, Παχών cum Augusto, Παῦνι cum Septembri, Επιφί cum Octobri, & denique Μεσορῇ cum Novembri convenisse ex ordine, quem supra posui, necessarium est: ita pariter e sede mutandi erunt quando probavimus mensem Θώθ respondisse Martio, aut Iunio, aut Augusto. Hos tamen & ceteros omnes menses nulli ex nostris certo mensi respondere demonstrabimus, ut magis assertionem confirmemus; ut plurimum tamen nuda Ptolemaei auctoritate contenti erimus, ne superflua farragine scriptio nostra longius, quam ipsa res postulet, protrahatur.

Et primum iuxta ordinem de mense Φαωφι verba faciemus, qui quidem an semper alicui certo men-

mensi nec ne respondeat, dignosci non potest, quum semel tantum de eo agat, nempe pag. 171. M. Lib. vii. Cap. 111. in fine; ex hoc tamen loco colligitur, aliquando nostro Decembri respondisse; nam tradit die xvi. ipsius, Solem fuisse in 26. Sagittarii; proinde Sol attingit Capricornum die xxi. circiter mensis *Φαυρί*, quo pariter die nostri Decembris attingit.

Tertius vero mensis scilicet *Αὔρ*, ex pluribus locis nostro potius Septembri consonare videtur, videlicet ex Lib. 111. Cap. 11. in fine pag. 62. M. & Lib. 111. Cap. 14. circa initium, pag. 72. M. quibus additur & Nicolaus Cabasilla in Commentariis in dictum Cap. 14. Lib. 111. In his itaque locis habetur die 19. huius mensis, contigisse aequinoctium autumnale; quum vero illud contingat xi. Kal. Octobr. manifestum evadit, ipsum mensem incepisse Idibus Septemb. & propterea mensis *Αὔρ* ipsi Septembri potius convenit. Idem fere comprobant alia loca, scilicet in medio Cap. vi. Lib. 111. pag. 77. r. & apud Nicolaum Cabasillam in Commentariis in hoc caput, ubi dicitur aequinoctium pariter autumnale contigisse die vii. huius mensis: deinde in principio Cap. xii. Lib. v. pag. 123. r. ex cuius observatione, patet Solem fuisse in 7. gradu Librae; praeterea in principio Cap. vii. Lib. ix. pag. 233. r. habetur die xiv. Solem fuisse in 9. 15. Librae. Igitur mensis *Αὔρ*, Septembri respondebit, seu verius Octobri; quum ex hoc loco deducatur, mensem incepisse xiv. Kal. Octobris, & hoc etiam assequimur ex pag. 239. M. Lib. x. Cap. 1. circa finem, & ex Theone in commentariis in idem caput, quum ibi deprehendatur die xxi. Solem obtinuisse grad. 17. 30. 30. Librae. Denique initio Cap. 1. Lib. xi. pag. 255. r. habetur die xx. istius mensis con-

contigisse oppositionem Iovis existentis in 14. 23. Arietis, & repetit in fine eiusdem capitis pag. 260. r. igitur tunc Sol erat in 14. 23. Librae; proinde Sol attingit Libram circiter die vi. mensis A<sup>gyp</sup>, & ipse incepit ad xvi. Kal. Octobris.

Modo idem mensis Ianuario respondere videtur in medio Cap. 111. Lib. vii. pag. 169. f. ibi namque traditur die xxix. huius mensis Solem fuisse in 7. Aquarii: ex quo constat Solem attingisse Aquarium circa diem xxi. aut xxii. mensis, quo die pariter nostri Ianuarii attingit illud signum. Rursus idem fere evincitur ex initio Cap. ix. Lib. xi. pag. 252. f. quum hoc loco tradatur die xx. Solem fuisse in 23. 54. Capricorni: ex hoc deducitur menssem A<sup>gyp</sup> incepisse vi. Kal. Ianuarii; propterea ad ipsum Ianuarium proxime accedit.

Ex alio denique loco colligitur, eundem menssem nostro Aprili propiorem esse; nam initio Cap. xiiii. Lib. v. pag. 125. m. docet die xxvii. huius mensis, Solem obtinuisse grad. 27. 3. Arietis: ex quo inferitur menssem incepisse xii. Kal. April. & proinde ipsi Aprili potius respondere.

Mensis vero qui dicitur Χοιράκ, ex medio Cap. v. Lib. iv. pag. 98. m. comparari potest cum Novembri, seu verius cum Octobri; nam die xi. huius mensis, Sol existebat in 25. 10. Librae: hinc colligitur die vii. Solem attingisse Scorpionem, quem attingit xii. Kal. Novembris; igitur mensis incepit Idibus Octobris; quamobrem quisque, ut libuerit, vel ipsi Octobri, vel Novembri consonare dicat.

Ex altero vero loco, scilicet ex pag. 231. f. Lib. ix. Cap. vi. circa medium, probatur eundem menssem Febuario propiorem esse; ibi enim, postquam observavit maximam distantiam matutinam,

E

Mer-

Mercurii, tradit Solem die xvii. huius mensis obtinere grad. 18. 10. Aquarii. Sol itaque attingit Aquarium circiter diem xxix. mensis praecedentis; & proinde mensis praecedens conveniebat cum Ianuario, & ipse *Xotax* cum Februario; nam ex hoc loco deducitur, illum incepisse ad ix. Kal. Februarii.

Mensis *Tvβi* cum Novembri tum Decembri, sed potius Decembri respondere dici potest ex oppositione Martis, quam initio Cap. vii. Lib. x. pag. 245. f. & Theon in commentariis in idem caput asserunt. Haec contigit die xxvi. huius mensis, Marte existente in 21. Geminorum, & consequenter Sol erat in 21. Sagittarii; itaque Sol attigerat Sagittarium ad quintum diem huius mensis, & ipse mensis inceperat xv. Kal. Decembris; quare ipsi Decembri propior existet hic mensis. Nec vero absimile illud est, quod dicunt Ptolemaeus initio Cap. iv. Lib. x. pag. 241. f. Solem die xxix. extitisse in 22. Sagittarii: & rursus initio Cap. xi. Lib. x. pag. 240. f. fuisse die secundo eiusdem mensis in 25. 30. Scorpii, & Theon in commentariis in haec capita: ex quibus deducitur menssem incepisse postridie Idus Novembris.

Iam probatur Februario proximum esse; initio enim Cap. iv. Lib. vi. pag. 142. m. habetur die secundo huius mensis Solem fuisse in 5. 8. Aquarii; ex quo constat Solem attingisse Pisces ad diem xxvii. ipsius *Tvβi*, & ipsum menssem incepisse viii. Kal. Februarii; quare ipsi Februario aptius assimilatur. Rursus initio Cap. vii. Lib. xi. pag. 269. f. habetur die xiv. huius mensis Solem fuisse in 6. 10. Piscium; quare Sol attigerat eos die viii. & ipse mensis incepit xv. Kal. Martii. Diximus die xiv. Solem fuisse in 6. 10. Piscium, licet in editione Grae-

Graeca legatur ἡβ ἰσπίρας, idest *duodecimo die, vespere existente* : quamvis enim initio capitis sic legatur, in fine tamen legitur ἡδ ἰσπίρας, idest *die decimoquarto, vespere existente*, & huic lectioni concors est versio Latina cum in principio tum in fine dicti capitis. Alia etiam ratione defenditur huiusmodi emendatio ; sed prius expurgandus est ab errore alius locus in fine eiusdem capitis, ubi legitur a die huius observationis, quae vespere habita est usque ad oppositionem Saturni, quae ex initio Cap. v. Lib. xi. pag. 263. r. & pag. 270. r. Lib. xi. Cap. vii. circa finem contigit die xxiv. mensis Μεσορῆ, praeteriisse praeter integros annos ἡμῖρας αἰ. ε. δ. idest *dies ccxv. xlv.* ubi legendum putō ἡμῖρας αἰ θ ε δ, idest *dies ccxix. xlv.* tum quia ita legitur in editione Latina, tum quia etiam si observatio habita fuisset die xii. mensis Τυβί ; tamen non interfuissent dies ccxv. xlv. sed ccxxi. xlv. ut ex mensium ordine facile est percipere ; quare nihilominus emendandus esset locus. Quod si supponamus observationem habitam fuisse die xiv. interfuerunt dies ccxix. xlv. ut legit Georgius Trapezuntius. Hoc igitur posito, nempe quod interfuerint dies ccxix. necessitate ordinis mensium efficitur, ut observatio habita fuerit die xiv. ut dicebamus.

Demum ex Lib. iil. Cap. vii. in fine pag. 170. m. hunc mensem ipsi Martio penitus respondere dicendum est ; nam ibi tradit die quinto Solem fuisse in 15. Piscium, & propterea ad diem xx. aut xxi. mensis Sol attingit Arietem, quo die nostri Martii pariter attingit.

Mensem Μεχίρ cum Decembri potius comparo, adductus ex pag. 239. r. Lib. x. Cap. i. circa finem, ubi assertur maxima distantia vespertina Ve-

neris, quae contigit die 1x. huius mensis, Sole existente in 2. 15. Capricorni; quare ad vii. diem mensis illum attigit, & ipse Μείρις exordium sumpsit xviii. Kal. Ianuarii; proinde nulli quidem ex nostris mensibus consonat; sed, si ulli comparandus est, nulli alii quam Decembri propior est. Idem etiam comprobatur ex initio Cap. vi. Lib. xi. pag. 268. m. ubi dicitur die vi. eiusdem mensis Sol fuisse in 28. 41. Sagittarii: ex quo deducitur mensē incepisse xix. Kal. Ianuarii, quum constet attigisse Capricornum circiter diem ipsius octavum.

Illud hic admonendum censeo, quod dixi in fine dicti capituli primi Lib. x. Solem fuisse in 2. 15. Capricorni, licet ibi legatur ita: οὗδε μέσος ἥλιος ἐπ' ἄχιν παρθένου μοιρὰς ἰβ ιι: idest, *Sol vero medio motu obtinebat Virginis grad. 12. 15.* legendum enim puto ἀγώνισμα μοιρὰς β ιι, idest *Capricorni grad. 2. 15.* quemadmodum legit Georgius Trapezuntius, & pariter in ipsa Graeca editione legitur paulo inferius. Rationes autem, quibus adducor, sunt: primum Apogaeum excentrici Veneris erat tempore earum observationum in 25. Tauri, & Perigaeum eiusdem in 25. Scorpium; quod proculdubio procedit; nam hoc demonstrat ex his duabus maximis distantis, & superius ex aliis duabus demonstraverat, & praeterea hoc asserit initio Cap. i. Lib. x. pag. 240. r. & multis aliis in locis, & ipse Theon in commentariis in idem caput primum Lib. x. & Cap. i. Lib. eiusdem. Hoc igitur posito, quum habeatur, quod tempore maximae distantiae matutinae Sol fuerit in 17. 50. 30. Librae: ex fine eiusdem capituli primi Lib. x. necessario sequitur Solem tempore maximae distantiae vespertinae, scilicet die nono mensis Μείρις, fuisse in 2. 15. Capricorni, ut Apogaeum sit in medio horum punctorum.

Aurum . Quod autem tempore maximae distantiae matutinae extiterit Sol in 17. 50. 30. Librae, in dubium revocandum nequaquam videtur, quum bis hoc asserat, nempe semel cum vult statuere ubi sit Apogaeum, & iterum cum proponit observationem: praeterea bis asserit has maximas distantias fuisse grad. 47. 30. 30. quare, quum Venus motu vero esset in --. 20. Virginis, motu medio erat in 17. 50. 30. Librae, & ibi etiam Sol. Deinde tempore maximae distantiae vespertinae, Venus motu vero erat, ut ipse ait in 19. 36. Aquarii; quapropter, quum haec distantia debeat esse grad. 47. 30. 30. necessario erit motu medio in 2. 15. Capricorni, & ibi etiam Sol.

Denique manifestus deprehenditur error; nam si Sol fuisset in 12. 15. Virginis, haec maxima distantia Veneris fuisset grad. 157. 21. Venus enim erat in 19. 36. Aquarii: tot autem graduum distantia Veneris a Sole repugnat cum sensui, tum ipsi tabulae maximarum eius distantiarum, quam pag. 299. post Cap. viii. Lib. xii. nobis exhibet.

Ex dictis patet corrigendum esse Theonem in commentariis in dictum Cap. i. Lib. x. ubi habetur, maximam distantiam matutinam fuisse grad. 17. 30. 30. & legendum 47. 30. 30. ut pariter ubi dicit, Solem tempore maximae distantiae matutinae fuisse in 2. 15. Tauri, legendum in 2. 15. Capricorni.

Rursus idem mensis proxime ad Ianuarium accedere videtur; nam ex fine Cap. iiii. Lib. vii. pag. 171. P. colligitur mensem Mexip incepisse vii. Kal. Ianuarii; quum ibi tradatur die xv. Solem fuisse in 20. Capricorni; & ex pag. 171. M. eodem capite in fine, quum ibi tradatur die xviii. fuisse in 23. eiusdem Signi; & consequenter ex his locis inferitur, Solem attigisse Aquarium circiter

citer diem xxvi. ipsius *Μεχιρ*, quem attingit xii. Kal. Februarii.

Ultimo tandem probatur idem mensis Martio propior; nam initio Cap. ii. Lib. iii. pag. 60. m. & pag. 61. m. eiusdem capituli in medio & fine pag. 62. f. tradit æquinoctium vernalis contigisse die xxvii. huius mensis: ex quo fit ut mensis inceperit vii. Kal. Martii. Idem fere evincitur ex initio dicti Cap. ii. pag. 60. f. quo loco tradit, æquinoctium vernalis contigisse die xxix. huius mensis; quare infertur mensem incepisse ix. Kal. Martii. Non absimili modo evincitur pariter ex fine Cap. ix. Lib. iv. pag. 106. f. ubi dicit, die ix. Solem fuisse in 26. 17. Piscium; & propterea Sol attigit Arietem ad xiii. diem mensis *Μεχιρ*, & mensis ipse incepit vii. Idus Martii.

Septimum mensem, idest *Φαμενώθ*, Theon quidem indicat nostro Decembri proximum esse, dum pag. 285. r. in commentariis in Cap. iii. Lib. vi. tradit die sexto ipsius Solem fuisse in 3. 10. 13. Sagittarii; quare die iii. Sol attigit Sagittarium, & mensis incepit xiii. Kal. Decembris. Nec multum negotii facessit locus eiusdem Theonis, in quo legitur mensis *Φαμενώθ* *die primo*; quia etiam si locum mendosum non esse concedatur; tamen non multum discrepabit. Sed puto legendum *die sexto*, ut ipse quinquies repetit. Quin etiam a die ix. mensis *Θωθ* usque ad diem quo contigit haec eclipsis, enumerat dies clxxvii. quare, quum mensis *Φαμενώθ* ex ordine, quem posuimus, sit septimus (nec vero alio in loco collocari potuerit, licet admittatur fuisse diem primum, & a die ix. mensis *Θωθ* usque ad eum diem, praeteriisse dies clxxvii.) sive sextus ab ipso *Θωθ*,  
ut



ut Theon hoc loco dicit; repugnat, quod sit primus eius dies; sed necesse est ut sit sextus.

Ptolemaeus vero eundem mensem Ianuario propiorem esse indicat; nam pag. III. P. Lib. v. Cap. III. circa initium tradit die xxv. Solem fuisse in 16. 27. Aquarii: & in fine Cap. VII. Lib. ix. pag. 233. P. die xix. fuisse in 10. Aquarii: ex quibus locis colligitur Solem attigisse Aquarium die ix. & proinde mensem incepisse Idibus Ianuarii; &, quod die xxv. fuerit Sol in 16. 27. Aquarii etiam Theon in commentariis in dictum Cap. III. asserit. Idem fere evincitur initio Cap. vi. Lib. ix. pag. 231. M. & in fine Cap. VII. Lib. ix. pag. 233. P. & ex Theone in commentariis in dictum Cap. vi. ubi habetur die xvi. fuisse in 9. 45. Aquarii, & ex initio Cap. vi. Lib. ix. ubi asserit die xviii. Solem fuisse in 10. Aquarii: ex quibus locis inferitur mensem incepisse ad xix. Kal. Februarii.

Modo ex eodem Ptolemaeo Aprili propiorem esse apparet, quum in medio Cap. vi. Lib. ix. pag. 232. P. tradat, die xxx. huius mensis Solem fuisse in 29. 30. Arietis, & proinde Sol attingit Arietem die primo ipsius: quod etiam manifestum sit ex initio Cap. I. Lib. III. pag. 60. P. ubi dicit die primo contigisse aequinoctium vernum: hinc fit ut mensis inceperit xii. Kal. Aprilis; quare huic potius comparandus videtur; cum eo enim plures dies communes habet quam cum alio.

Modo vero Iunio prorsus respondere probatur ex fine Cap. I. Lib. III. pag. 62. P. ubi dicitur Solstitium aestivum contigisse die xxi. huius mensis, quo etiam die nostri Iunii contingit; nec multum discrepat, quod deducitur ex Cap. ix. Lib. iv. pag. 106. P. ibi enim tradit Solem  
tem-

tempore quo contigit eclipsis, quam observavit die xxiv. fuisse in 21. 46. Geminorum; quare constat Solem attigisse Geminos die tertio, & mensẽ incepisse xiv. Kal. Iunii.

Iulio etiam propior probari potest ex medio Cap. xiiii. Lib. v. pag. 125. r. ubi habetur die xvii. Solem fuisse in 18. 12. Cancrì; & proinde mensis incepit x. Kal. Iulii; quare merito ipsi Iulio consonare dicitur potius, quam alii.

Augusto demum potius respondere indicat initio Cap. v. Lib. iv. pag. 95. r. ubi dicit die xv. Solem fuisse in 3. 15. Virginis, & eadem repetit Theon in commentariis in idem caput, ex hoc enim deducitur Solem attigisse Virginem die xii. & ideo mensis incepit iv. Idibus Augusti.

Octavus, qui ex ordine est Φαρμουσι, Februario propiorprehenditur circa initium Cap. iij. Lib. x. pag. 240. r. hic enim traditur duobus locis Solem hoc mense fuisse in 25. 3. Aquarii, in altero quidem dicitur ibi fuisse die secundo, in altero die iv. quare Sol. attigit Pisces die vii. aut ix. huius mensis; proinde patet hunc mensẽ incepisse xv. Kal. Martii, & Idibus Februarii, & eodem pariter argumento colligitur eundem mensẽ incepisse xvi. Kal. Martii, quum initio Cap. vii. Lib. x. habeatur die vi. contigisse oppositionem Martis existentis in 28. 50. Leonis, & proinde Sol fuerit in 28. 50. Aquarii.

Iam vero ex observationibus quas affert pag. 98. m. Lib. iv. Cap. v. circa medium, & pag. 167. r. Lib. vii. Cap. ij. circa medium, ut pariter Theon in commentariis in idem caput, & pag. 239. m. Lib. x. Cap. i. in principio, ex quibus habetur huius mensis die xix. Solem fuisse in 14. 5. Piscium & die ix. in 3. 3. & die xxi. in 14. 15. colligitur  
So-

Solem attigisse Pisces die vi. vii. viii. & proinde mentem incepisse xiv. xv. & xvi. Kal. Martii; propterea ipsi Martio propior est. Quod si quis religiosus nimium, cum Februario potius consonare dicat, praesertim quando probatur incepisse xvi. Kal. Martii, nihil morer; nam & supra Februario comparavimus; licet deprehendissemus illum incepisse xvi. & xv. Kal. Martii.

Quoniam vero initio Cap. v. Lib. v. pag. 112. r. habetur die xi. eiusdem mensis, Solem fuisse in 7. 45. Tauri, colligitur Solem attigisse Taurum die iv. ipsius, & mentem incepisse xiv. Kal. Maii; ideo mentem  $\Phi\alpha\mu\upsilon\sigma\iota$  rectius Maio comparabimus. Nec obstat Pappus in commentariis in hoc caput, ubi legitur, Solem fuisse  $\kappa\alpha\tau\grave{\alpha}\ \chi\rho\iota\sigma\tau\acute{\iota}\ \mu\omicron\iota\sigma\iota\varsigma\ \xi\ 's\ 'd$ , idest in grad. 7. 45. *Arietis*; quia legendum est  $\kappa\alpha\tau\grave{\alpha}\ \tau\acute{\alpha}\upsilon\rho\upsilon\ \mu\omicron\iota\sigma\iota\varsigma\ \xi\ 's\ 'd$ , idest grad. 7. 45. *Tauri*; quod etiam paulo inferius in ipso Pappo legitur; nec solum moveor ad emendandum locum, ex eo quod ita legatur in Pappo, & ter in Ptolemaeo, cum in editione Graeca, tum in Latina; aliae enim multae adsunt coniecturae. Primum enim dicit Lunam fuisse vero motu in 21. 27. Piscium, & distavisse a Sole 313. 42. ad consequentia: Sol igitur erat in 7. 45. Tauri. Praeterea ex systemate Ptolemaei idem evincitur; nam Luna distabat ab Apogaeo sui excentrici grad. 271. 4. & addito integro circulo, sive grad. 360. fit eius distantia graduum 631. 4. quare Apocha, hoc est distantia medii motus Lunae a medio Solis, quae necessario est dimidium distantiae ab Apogaeo, erit 315. 32. sed Luna erat medio motu in 22. 13. Piscium; Sol itaque erat medio motu in 6. 41. Tauri.

Iam quod idem mensis Iunio propior sit, probari videtur ex medio Cap. vi. Lib. ix. pag. 232. r.

F

ubi

ubi habetur die v. Solem fuisse in 2. 50. Geminorum : ex hoc enim colligitur Solem attigisse Geminos die fere secundo , & ipsum mensem incepisse xiiii. Kal. Iunii ; & ideo Iunio potius respondet .

Mensis Πάρις , qui deinceps sequitur , Martio aut Aprili respondere tantummodo probatur ; nam initio Cap. vii. Lib. ix. pag. 233. p. tradit die xix. ipsius , Solem fuisse in 11. 5. Arietis : ex quo infertur Solem eum attigisse die viii. mensis ; quod etiam in fine Cap. ii. Lib. iii. pag. 62. f. ibi enim refert eodem die viii. contigisse aequinoctium vernum : deinde initio Cap. v. Lib. xi. habetur pag. 263. p. quod die septimo eiusdem mensis contigit oppositio Saturni existentis in 1. gradu Librae ; quare eo die Sol erat in 1. Arietis , illumque eo pariter die attigit , & ipse mensis incepit , ut ex his locis infertur , pridie Idus , & ipsis Idibus Martii ; ideo & Martio & Aprili consonat .

Aprili propior est mensis Παύρις , ex medio Cap. v. Lib. iv. pag. 98. p. ubi habetur , quod die xx. Sol erat in 13. 15. Tauri ; quamobrem Sol eum attigit ad diem octavum ipsius , & mensis incepit xviii. Kal. Maii : ideo cum ipso Aprili melius comparatur , cum eo enim plures dies communes habet .

Hunc ex Lib. v. Cap. v. circa medium pag. 114. p. & ex commentariis Pappi in idem caput Iulio consonare dicendum est ; traditur enim die xvii. ipsius , Sol fuisse in 12. 15. Cancri ; proinde Sol eum attigit die quinto , & mensis incepit xv. Kal. Iulii ; ideo ipsi Iulio propiorem esse dico .

Denique Augusto propior dici potest ex fine Cap. vi. Lib. ix. pag. 232. m. ubi refert die xxx. mensis , Solem fuisse in 27. 50. Leonis : ex hoc itaque

itaque apparet, Solem attigisse hoc signum circiter diem tertium, & ipsum mensem incepisse ad xiv. Kal. Augusti; ideo Augusto potius consonat.

Vndecimus mensis scilicet *Ἐπιδέ*, Maio potius quam alii similis probatur; nam Solem attigisse Geminos ad diem xi. circiter, colligitur ex initio Cap. vi. Lib. ix. pag. 231. m. & ex fine Cap. vii. Lib. ix. pag. 233. r. ubi habetur die xx. huius mensis, Solem fuisse in 10. circiter Geminorum; & ex initio Cap. viii. Lib. x. ubi habetur die xv. Solem fuisse in 15. 27. pag. 251. r. & ex Lib. ix. Cap. ix. circa initium pag. 236. r. ubi tradit die xii. Solem fuisse in 2. 34. quod deducitur ex eo, quod dicit contigisse oppositionem Martis existentis in 2. 34. Sagittarii: & ex hoc inferitur mensem incepisse v. Idus Maii, & ideo ipsi comparatur. Animadvertendum nos ultimo loco dixisse oppositionem Martis contigisse die xii. licet initio dicti Cap. vii. Lib. x. legatur contigisse die secundo. Rationes autem quibus ad hoc adducimur, attulimus, quum mensem *Ἐπιδέ* in sua sede collocavimus. Iam, quum initio Cap. v. Lib. xi. pag. 263. r. tradat die xviii. contigisse oppositionem Saturni existentis in 9. 40. Sagittarii, & consequenter Solem extitisse in 9. 40. Geminorum, colligitur Solem attigisse illud signum die ix. & mensem incepisse iiii. Idus Maii: & idem etiam inferitur ex fine Cap. vii. Lib. ix. pag. 233. r. ubi dicit, Solem die xix. fuisse in 10. Geminorum. Nec vero multum discrepat initio Cap. vi. Lib. ix. pag. 231. m. ubi tradit die xviii. Solem obtinuisse grad. 10. ex hoc enim inferitur Geminos attigisse ad diem viii. & mensem incepisse pridie Idus Maii. Ipsi denique Idibus incepisse constat, quum Lib. x. Cap. ii. circa initium

pag. 240. r. & Theon in commentariis in idem caput, referant, die secundo Solem fuisse in 25. 24. Tauri; ex his enim deducitur Solem attigisse Geminos ad diem septimum; ideo potius cum Maio conveniet.

Iam idem mensis Augusto propior videtur; nam Lib. v. Cap. 111. circa medium pag. 111. m. habetur quod die xvi. erat in 10. 27. Leonis motu medio; quare Sol eum attigerat die vi. & mensis inceperat xvii. Kal. Augusti; ideo Augusto aut Iulio etiam, ut quisque velit comparet, hunc mensem. Nec vero ullus occurrat dicens Solem non fuisse in 10. 27. Tauri, quum ibidem legatur Solem motu apparenti fuisse κατὰ Λέοντος μέρος ἢ εἰς ἱβ hoc est in grad. 18. 35. Leonis. Primum enim etiam si admittamus Solem tunc obtinuisse grad. 18. 35. Leonis, nihil officit mihi; nam ex hoc sequetur, hunc mensem ad Augustum propius accedere, & incepisse ix. Kal. Augusti; deinde ibi legendum est μέρος ἢ εἰς ἱβ, idest grad. 8. 35. quemadmodum legit Georgius Trapezuntius, cui ut assentiar, facit illud, quod etiam in editione Graeca saepius legitur hoc; primum enim dicit Solem obtinuisse primas partes Leonis: quod si fuisset in 18. aut illum medias, aut extremas partes obtinere dixisset: deinde dicit Solem medio motu fuisse in 10. 27. & denique motu vero in 8. 20. Quibus positis, ex tabula parallaxon, quam pag. 131. post Cap. xvi. Lib. v. nobis exhibet, evidens est, Solem motu apparenti minime obtinere potuisse grad. 18. 35. cum ex ea numquam tanta Solis parallaxis contingat: quinimoprehenditur ex dicta tabula, Solem motu apparenti obtinuisse grad. 8. & aliquas unius gradus sexagesimas paulo plures, quam viginti. Deinde moveor etiam ex eo, quod dicit

dicit Lunam motu vero , ut pariter motu appa-  
 renti fuisse in 12. 20. Tauri , & distavisse a motu  
 apparenti Solis grad. 86. 15. igitur Sol erat in  
 8. 35. Leonis . Praeterea Luna erat fere in Meri-  
 diano ( & hoc manifestum est , cum quia hoc erat  
 necessarium ad eius demonstrationem , ne Luna pa-  
 rallaxim saltem in longitudinem pateretur ; tum  
 quia dicit eodem in loco fuisse motu vero , &  
 apparenti iuxta longitudinem , quod solum contingit  
 Luna existente in Meridiano ) & , ut inquit , in  
 ipso prorsus Meridiano erat nonus gradus , effici-  
 tur itaque ut Luna motu vero , ut inquit , fuerit  
 in 12. circiter gradibus Tauri . Verum quemadmo-  
 dum dicit Ptolemaeus , & ad conficiendam suam  
 demonstrationem , supponere opus est Lunam fuisse  
 fere in Perigaeo excentrici ; ergo Apocha , idest di-  
 stantia Lunae a Sole , erat grad. circiter 90. ( Apo-  
 cha enim dimidium est distantiae Lunae ab Apo-  
 gaeo sui excentrici ) Sol igitur erat in 8. 35.  
 Leonis . Demum dicit , Lunam medio motu ( & hoc  
 concordat cum eo quod dixit eam esse motu vero  
 in 12. 20. Tauri , quum ex his observationibus  
 nihil aliud probare intendat , quam eius prostha-  
 pheresim tunc fuisse graduum 7. 40. ) fuisse in  
 4. 40. Tauri , & distavisse motu medio a motu  
 apparenti Solis grad. 93. 55. Sol itaque motu ap-  
 parenti erat in 8. 35. Certum autem proculdubio  
 existit fuisse mensem  $\text{Επιφί}$  , cum quia sic habetur  
 in editionibus , Graeca scilicet & Latina ; tum quia  
 dicit a primo meridie mensis  $\text{Θώ$  usque ad hanc  
 observationem , quae habita fuit die xvi. ante  
 meridiem hor. 6. 20. praeteriisse dies ccxiv.  
 hor. 17. 40. ex quo deducitur observationem hanc  
 habitam fuisse undecimo mense , qui est  $\text{Επιφί}$  , ut  
 iam demonstravimus . Quod si  $\text{Επιφί}$  non esset un-  
 deci-

decimus; non solum hic mendum adesset, verum hoc quamplures alios errores secum traheret. Nam non solum mendosa esse loca, ex quibus probatur *Επιφί* esse undecimum mensem; verum etiam omnia loca ex quibus alterum mensem disposuimus, qui in undecima sede collocandus esset, nisi in ea esset ipse *Επιφί*, dicendum esset.

Ultimus mensis scilicet *Μεσση*, ad Iunium proxime accedit; idque colligitur ex Lib. ix. Cap. viii. circa initium pag. 234. r. ubi traditur Solem die xxiii. fuisse in 10. 20. Cancrī; ex hoc enim deprehenditur, Solem attigisse Cancrum ad xiii. ipsius diem; & propterea, mensem incepisse v. Idus Iunii. Nec multum dissidet illud, quod ex Lib. iii. Cap. ii. circa finem pag. 62. r. & initio Cap. iv. Lib. iii. pag. 72. m. colligitur, ibi enim traditur die xi. contigisse Solstitium æstivum; ex hoc enim deprehenditur, mensem incepisse iii. Idibus Iunii. Anno autem secundo imperii Antonini, incepit pridie Idus Iunii, quum dicat Lib. xi. Cap. ii. circa initium pag. 260. m. die xxvi. Solem obtinuisse grad. 16. ii. Cancrī, & initio & fine Cap. v. Lib. xi. pag. 263. r. & 268. r. observaverit die xxiv. contigisse oppositionem Saturni existentis in 14. 14. Capricorni; ex quo sequitur Solem fuisse in 14. 14. Cancrī eo die. Denique mensem incepisse xviii. Kal. Iulii, constat ex initio Cap. viii. Lib. ix. pag. 234. r. ubi traditur die xviii. Solem fuisse in 10. 5. Cancrī. Ex his itaque, potius Iunio comparari posse, videtur.

Modo eundem mensem nostro Septembri proxime respondere deprehendo, quum Lib. iv. Cap. ix. circa medium pag. 106. m. tradat die xvi. Solem obtinuisse grad. 26. 6. Virginis, & in fine eiusdem capi-



capitis pag. 107. r. die v. obtinuisse grad. 15. 12. Ex his itaque duobus locis apparet, Solem attingisse Libram ad diem xxi. quo etiam die nostri Septembris attingit: & ideo ipsi Septembri prorsus respondere asserendum est mensē Μεσση. Ex initio autem Cap. 11. Lib. 111. pag. 62. m. colligi potest, hunc mensē prius quidem incepisse; attamen ipsi Septembri propiorem esse deprehenditur; nam tradit die xxx. contigisse aequinoctium autumnale; quare eo anno mensis incepit xii. Kal. Septembris, idcirco cum Septembri plures dies communes habet, & non immerito illi potius comparabitur.

Denique initio Cap. 1v. Lib. x. pag. 243. r. deducitur, eundem mensē incepisse xi. Kal. Οκτωβρις; nam ex eo loco. Sol die xxi. erat in 20. 55. & die xvii. in 17. 20. Librae; hinc enim sequitur, Solem attingisse Libram die primo mensis, quam attingit xi. Kal. Septembris.

*Autoris opinio ad concordandas  
expositas varietates.*

C A P. VII.



x allatis a me huc usque, patet, menses Aegyptiorum non solum nulli ex nostris mensibus prorsus respondere; verum etiam nulli certo mensi propiores esse: & modo ad hunc mensē, modo ad illum propius accedere, quod fortasse cuiquam rationi minus con-

consentaneum videbitur ; sed si mihi , quo pacto id evenit , & qua ratione ex mense locum Solis deprehendere potuerint , explicare licuerit , omnis , opinor , cessabit admiratio . Annum diebus cccclxv. constabant , quod superius probavimus . Et ex hoc quidem , fateor , non satis assequimur , unde nam Sol adeo dissidentibus in signis eodem mense reperiretur ; nam & nostra tempestate annus diebus cccclxv. constat , & nihilominus quolibet mense Sol suum signum occupat , quum quarto quoque anno dies intercalaris adiiciatur . Probandum itaque est nullum umquam annum apud Aegyptios pluribus quam cccclxv. diebus componi solitum fuisse . Et primum quod quarto quoque anno non apponerent diem intercalarem , manifestum fit ex Lib. i. Cap. ii. circa initium pag. 60. m. quo loco Ptolemaeus tradit anno xvii. tertiae iuxta Callippum periodi , contigisse die xxx. mensis Μεσερῳ̃ aequinoctium autumnale ; anno autem xxi. eiusdem periodi contigisse die primo superadditorum aequinoctium pariter autumnale ; quum itaque non contigerit eodem die xxx. patet per hos quatuor annos Aegyptios intercalarem diem non addidisse .

Quoniam vero fieri poterat , ut , si non quarto quoque anno , quemadmodum apud nos in more positum est , at saltem octavo quoque binos dies , aut duodecimo ternos , aut decimosexto quaternos intercalares dies adderent ; ideo minime id Aegyptios consuevisse demonstrandum est ; hoc autem deprehenditur ex eadem pag. 60. m. quum ibi habeatur anno xxxvi. eiusdem periodi aequinoctium autumnale contigisse die quarto superadditorum mane . Nec me latet potius debuisse die quinto superadditorum ; verum hoc ea de causa eve-


&c

nit, quia Sol absolvit suum circulum diebus CCCLXV. & quarta parte unius diei, demptis tamen XII. sexagesimis secundis unius diei, iuxta Ptolemaeum; quare aequinoctium aliquantum praevertit tempus illud, quo contingere debuisset, si Sol conficeret circulum diebus CCCLXV. & quarta parte unius diei; & quidem opinor contigisse iam iam venturo die quinto superadditorum. Verum quia fortasse contigit ante ortum Solis, tradit sequutum fuisse die quarto superadditorum, quum Aegyptii diem auspicerentur ab ortu Solis, quod multis argumentis evincere possemus; sed id haudquaquam necessarium in praesentiarum ducimus. Nec vero quicquam officit, quod nondum orto Sole, aequinoctium observari potuisse, vix persuaderi quicumquam possit; nam etiam anno XXXII. eiusdem periodi, tradit observatum fuisse aequinoctium, quod contigit media nocte existente. Quo pacto autem hae observationes haberi potuerint, non opus pariter est ut hic explicem: ut nec etiam quod fere die quinto superadditorum contigerit, probare ulterius adnitar; cum quia licet non contigerit hoc aequinoctium die quinto superadditorum; nihilominus non infertur per hos XIX. annos, quos intercessisse constat inter XVII. & XXXVI. annum, praedictae periodi, intercalaribus diebus usos fuisse Aegyptios, imo potius contrarium. Nam, si usi fuissent, profecto aequinoctium contigisset aut eodem die XXX. mensis Μεσορῆ, aut ad summum die primo superadditorum, non quarto; tum quia infra demonstrabimus nedum per annos XIX. sed nec per annos octingentos, & amplius intercalares dies adiecisse. Rursus eadem pag. 60. tradit anno trigesimo secundo eiusdem periodi, mensis Μεχρῆ die XXVII. contigisse aequinoctium vernum, & anno

XLIII. die XXIX. eiusdem mensis ; quare rursus manifestum est, per hos XI. annos, appositos pariter non fuisse dies ullos intercalares ; verum etiam ab anno XVII. usque ad XXXVI. non fuisse additos dies intercalares probavi ; nec igitur per annos XXVI. intercalares dies adiecerunt, idest ab anno XVII. usque ad XLIII. praedictae periodi ; imo nec usque ad annum I. scilicet per annos XXXIII. quum referat eo anno contigisse aequinoctium vernum, die primo mensis sequentis, scilicet  $\phi\alpha\mu\epsilon\nu\theta$ . Quod si quis existimans nisi per hos at saltem post plures annos dies intercalares Aegyptios inferre potuisse, h's non acquiescat, adeat pag. 62. M. dicti Cap. II. circa medium, ubi tradit anno XXXII. praedictae periodi, contigisse aequinoctium Autumnale tertio die superadditorum, media nocte existente ; ducentis autem & octogintaquinque annis post die nono mensis  $A\theta\upsilon\rho$ , una hora post Solis ortum ; quare, ut ipse etiam inquit, contigit septuaginta diebus post, & praeterea quarta parte cum vigesima fere unius diei : & quidem si umquam per hos CCLXXXV. annos, appositi fuissent intercalares dies, aequinoctium non contigisset diebus LXX. post, & amplius. Et hoc insuper clarius elucescit ex eo, quod dicit, si Sol solveret circulum diebus CCCLXV. & praeterea quarta parte unius diei contigisset diebus LXXI. post, una cum quarta parte diei. Et profecto si unquam interpositi fuissent dies intercalares, non utique tot diebus post contingere debuisset ; numquam autem illis interpositis tanto post tempore ad unguem contingere debuisset. Rursus eadem pag. 62. r. ex duobus aequinoctiis vernis, quorum alterum contigit die XXVII. mensis  $M\epsilon\chi\iota\rho$ , alterum vero annis CCLXXXV. post contigit die VII. mensis

fis Παχών, idem infertur; colligitur enim secundum  
 aequinoctium LXX. diebus, & amplius post pri-  
 mum contigisse. Tandem affert etiam duo Solsti-  
 tia, quorum alterum contigit mensis Φαμενώ die  
 XXI. mane; alterum vero mensis Μεσοχ die XI.  
 media nocte: & inter haec Solstitia interfuerunt  
 anni DLXXI. proinde horum annorum spatio Sol-  
 stitium contigit post dies CXL. 50. Quum itaque  
 per annos DLXXI. intercalares dies non interse-  
 ruerint, verisimile efficitur, Aegyptios numquam in-  
 tercalarium mensem habuisse. Idque etiam verisi-  
 milius fit, quum nec per annos quindecim &  
 sexcentos, aut DCCCLIV. istud factum sit; nam,  
 Lib. IV. Cap. VIII. circa medium pag. 102. M.  
 dicit annos DCXV. una cum diebus CXXXIII. hor.  
 21. 50. completi dies 224609. quare detractis die-  
 bus prope CXXXIV. supersunt dies 224475. qui  
 conficiunt annos DCXV. & proinde singuli anni  
 CCCLXV. dies complectuntur. Quod autem an-  
 ni DCCCLIV. contineant dies 311710. deducitur  
 ex Cap. VI. Lib. IV. pag. 100. f. propterea sin-  
 guli anni diebus CCCLXV. constabunt, & num-  
 quam Aegyptios, aut saltem per hos annos in-  
 tercalares dies interponere consuevisse manifestum  
 est. Quo fit, ut quoniam ex Ptolemaei sententia  
 Sol peragit suam revolutionem diebus CCCLXV.  
 14. 48. menses Aegyptiorum quarto quoque anno  
 diem fere nostros praevertant; ita ut si hoc an-  
 no mensis Θωθ, & Ianuarius pariter procedunt,  
 ut omnes dies communes habeant, quatuor ab hinc  
 annis mensis Θωθ primus dies erit idem ac ultimus  
 nostri Decembris; & deinceps semper magis ad  
 ipsum Decembrem accedet, donec fiet illi propior,  
 quam Ianuario: & tandem annis volventibus ipsi  
 prorsus respondebit, & deinde alii etiam mensi.

Et ut hoc facilius percipiatur, sit circulus  $ACD$  quem percurrit motu annuo Sol pergens ab  $A$  in  $E$ ; & hoc anno sit in  $A$  Sol primo meridie mensis  $\Theta\omega\theta$  (1); & quoniam diebus  $CCCLXV$ . non absolvit integrum circulum, anno sequenti nondum Sol pervenerit in  $A$  primo meridie eiusdem mensis, sit itaque in  $F$ , ita pariter annis sequentibus primo meridie mensis  $\Theta\omega\theta$ , propior fiet signo  $B$ , donec quarto fiat in  $B$ ; iam  $BA$  erit spatium, quod conficit fere die uno: atqui, quum nos quarto quoque anno intercalario mense utamur, primo meridie Ianuarii Sol rursus restituetur in  $A$ , ubi erit secundo meridie mensis  $\Theta\omega\theta$ ; nam primo fuerat in  $B$ : primus ergo dies mensis  $\Theta\omega\theta$ , erit idem ac ultimus Decembris, & sic deinceps. Ut autem sit in promptu deprehendere, quot gradus Sol deficit ab integris revolutionibus quolibet annorum spatio, & quot dies annorum initium praevertit, tabulam exhibemus, quae haec omnia demostret usque ad annos  $ccc$ . Ex ea autem & plurium annorum defectus desumere licebit, si ad eam proportionem nos conformabimus. Hac vero ratione huiusmodi tabulam composuimus: quoniam, si initio alicuius anni sit in  $A$ , in sequentis anni initio erit in  $F$ , & consequenter spatium  $FA$  erit, quod Sol conficit die --. 14. 48. Hoc vero temporis spatio Sol peragrat grad. --. 14. 35. 14. 38. 51. 28. 31. 12. ideo hi gradus adjacent primo anno: ita pariter duplum temporis & graduum anno secundo, & triplum tertio adiacebunt, & sic



(1) Recte haec scribuntur; | per omnes dies Romano-  
nam post A. 1460.  $\Theta\omega\theta$  | rum anni percurrit.

& sic in reliquis . Hinc rursus comprobatur Aegyptios octingentorum & amplius annorum curriculum, usos non fuisse diebus intercalaribus, quum in tabula motus annui Solis, quam pag. 65. post Cap. II. Lib. III. exhibet, DCCCX. annorum spatium apponat confectos esse praeter integras revolutiones DCCCIX. grad. 163. 4. 12. 15. 27. 52. 30. ex hoc enim defecisse constat Solem ab integris circulis absolvendis grad. 196. 55. 47. 44. 34. 7. 30. quot fere defecisse colligitur ex hac tabula: per hos ergo annos intercalares dies adhibendi non sunt.

<i>Anni</i>	<i>Dies, quibus annui tempus excedit annum Aegyptiorum</i>	<i>Gradus, quibus deficit Sol ab integris revolutionibus.</i>
1	--. 14. 48	--. 14. 35. 14. 38. 51. 28. 31. 12
2	--. 29. 36	--. 29. 10. 29. 17. 42. 57. 2. 24
3	44. 24	--. 43. 45. 43. 56. 34. 25. 33. 36
4	--. 59. 12	--. 58. 20. 58. 35. 25. 54. 4. 48
5	1. 14. --	1. 12. 56. 13. 14. 17. 25. 36. --
25	6. 10. --	6. 4. 41. 6. 11. 27. 11. --. --
75	18. 30. --	18. 14. 3. 18. 34. 21. 33. 30. --
150	37. --. --	36. 28. 6. 37. 37. 8. 43. 7. --
300	74. --. --	72. 56. 3. 14. 17. 26. 14. --. --

Supereft nunc infpiciendum, an ex hac fuppofitione deprehendatur Solem exiftere debere in illis punctis, in quibus fuiſſe tradit Ptolemaeus. Et primum refert xxix. menſis 24<sup>9</sup>, hor. 8. 40. poſt meridiem, anno primo imperii Mardocempadi, con-  
tigiffe

tigisse eclipsim lunarem, Sole existente in 24. 30. Piscium; verum, quoniam primo meridie imperii Nabonafari Sol, ut saepius dictum est, erat in -- 45. Piscium, & ex tabula motus annui Solis, quam pag. 65. & 66. post Cap. II. Lib. III. exhibet, Sol diebus xxviii. hor. 8. 40. quod tempus a primo meridie usque ad diem xxix. hor. 8. 40. post meridiem praeterit, conficit grad. 27. 57. primo anno imperii Nabonafari, ea hora qua contigit eclipsis, medio motu Sol erat in 28. 40. Piscium; proinde hisce annis xxvi. a primo anno Nabonafari, usque ad primum Mardocempadi, Sol defecit ab integris revolutionibus grad. 4. 10. Nec vero me latet iuxta nostram tabulam, Solem deficere debuisse grad. 6. 18. tanto temporis spatio; hic tamen scrupulus evellitur, si animadvertamus Solem vero quidem motu (nam recensetur verus locus Solis, ut ipse etiam dicit, & insuper necesse est, ut sit ibi motu vero, quum agatur de loco in quo Sol existens est oppositus Lunae, & Sol motu vero est oppositus Lunae dum contingit eclipsis) fuisse in 24. 30. Piscium: at motu medio, quum distaret grad. circiter 287. 20. ab Apogaeo, idest a 5. 30. Geminorum, erat in 22. 16. Piscium; nam in tabula prosthaphaerefeon, quam pag. 78. post Cap. v. Lib. III. exhibet, gradibus 287. distantiae ab Apogaeo, adiacent gradus 2. 14. qui addendi sunt medio motui, ut habeatur verus; quum enim distantia haec Solis ab Apogaeo superet 180. gradus, motus verus maior est medio; Sol itaque defecit ab integris revolutionibus grad. 6. 24. quod proxime convenit cum nostra tabula. Anno autem sequenti observatae fuerunt duae eclipses, quarum altera contigit mensis  $\Theta\omega\theta$  die xviii. hor. 11. 10. post meridiem; altera vero mensis  $\Phi\alpha\mu\epsilon\nu\omega\theta$  die



die xv. horis 7. 40. post meridiem, Sole existente tempore quidem primae in 13. 45. Piscium; secundae vero in 3. 15. Virginis. Quod si medium motum Solis investigemus, deprehenditur, eum fuisse in 11. 24. Piscium & in 5. 38. Virginis; nam quum in secunda eclipsi distantia Solis ab Apogaeo non excederet grad. 180. motus medius maior erat vero; atqui anno primo imperii Nabonafari, Sol medio motu iisdem horis, quibus eclipses contigerunt, erat in 17. 57. Piscium, & in 12. 15. Virginis: igitur Sol in prima quidem eclipsi defecit grad. 6. 33. qui ad unguem est defectus annorum xxvii. etiam ex nostra tabula: in secunda vero grad. 6. 37. nec multum discrepat a nostra tabula; quum non sit differentia nisi quatuor sexagesimarum. Deinde tradit anno quinto imperii Nabonafari, mensis *Ἀθύρ* die xxvii. hor. 17. post meridiem, Solem vero motu fuisse in 27. 20. Arietis; & proinde medio, qui necessario minor erat, in 25. 52. eiusdem signi; verum primo anno imperii Nabonafari erat eadem hora in 26. 12. Tauri: annis itaque cxxvi. defecit ab integris revolutionibus grad. 30. 20. quod parum discrepat a nostra tabula. Praeterea anno vii. imperii Cambisis, colligimus, mensis *Φαμενώθ* die xvii. hor. 10. 30. post meridiem, Solem medio motu fuisse in 19. 48. Cancri, cum tradat motu vero fuisse in 18. 14. Cancri: verum primo anno imperii Nabonafari eadem hora erat in 14. 21. Virginis; Sol itaque annis ccxxiv. defecit grad. 54. 33. iuxta autem tabulam deprehenditur defectus grad. 54. 27. Rursus Sol vero motu, Phanostrato Archonte Athenis, scilicet anno trecentesimo sexagesimosexto, dicitur mensis *Θύσι* die xxvi. fuisse in 28. 18. Sagittarii; & proinde medio erat in 27. 22. atqui primo anno imperii Nabonafari mensis *Θύσι*

Θω die xxvi. hor. 18. 30. post meridiem, Sol erat in 26. 9. Piscium; igitur defecit grad. 88. 47. quod proxime accedit ad nostram tabulam, ex qua defectus annorum ccclxv. deprehenditur esse grad. 88. 44. Minus tamen discrepat defectus, qui deprehenditur ex alia observatione, eodem anno habita mensis Φαμενώθ, die xxiv. hor. 8. 15. post meridiem, quo tempore Sol erat motu vero in 21. 46. Geminorum, & consequenter medio in 22. 24. Geminorum; quum hac hora, anno primo Nabonafari, esset in 21. 10. Virginis: ergo defectus fuit grad. 88. 46. Evandro autem Archonte Athenis, die xvi. mensis Θωθ, deprehensum est, Solem vero motu fuisse in 17. 30. Sagittarii; sed quia hoc anno insequente observatum est, omitemus. Denique tradit Ptolemaeus observatas fuisse duas eclipses: alteram anno dXLVII. a Nabonafaro mensis Μεσορῆ (1), die xvi. hor. 7. post meridiem, Sole existente vero motu in 26. 6. Virginis: & proinde medio in 28. 20. alteram vero anno sequenti mensis Μεχιρ (2), die nono hor. 13. 20. post meridiem, Sole existente motu vero in 26. 17. Piscium; & proinde medio in 24. 2. Primo vero anno Nabonafari, ea hora qua contigit prima eclipsis, Sol erat in 11. 4. Aquarii; quapropter defectus annorum dXLVI. fuit grad. 132. 44. & annorum dXLVII. fuit grad. 132. 59. quum pri-

(1) Fuit dies 12. Septembris anno ante Christum 101. quum Θωθ, coepit die 12. Octobr. cum anno proximo 100. ante Christum coepisset die 13. Octobris.

(2) Haec altera eclipsis contigit anno ante Christum 100. die 19. Martii seq. 19. Ptole-

maens Lib. iv. Cap. 11. anno eodem 55. secundae periodi Callippi, refert aliam eclipsim Mesori, die 5. seq. 6. fuit die 11. Septembr. anno ante Christum 100. Numerat inter utramque eclipsim dies 176. quot colliguntur ab 19. Martii ad 11. Sept.

primo anno Nabonafari, ea hora qua contigit secunda eclipsis, Sol esset in 7. 1. Leonis, qui defectus, tabulae nostrae penitus respondent.

*Confirmatur evidentius multis aliis  
observationibus Autoris sententia.*

## C A P. VIII.



is probe constitutis, nemo non certior factus esse deberet de veritate nostrae assertionis, quum omnia inter se congruant; si tamen his aliquis omnino non acquiescat, reliqua prosequemur, maximam delectationem simul hausturi, dum cognoscemus omnia perbelle conspirare ad hanc fulcendam sententiam. Id autem quam brevissime peragemus, omitteutes quamplures observationes, in quibus locum Solis aut diem exactum non indicat. Primum itaque se se offert eclipsis, quae contigit anno VII. (1) Philometoris, mensis Φαμενώθ die xxvii. hor. 14. 20. post meridiem, Sole existente vero motu in 6. 15. & proinde medio in 5. 5. quum vero eadem hora, anno primo Nabonafari fuerit in 24. 22. Virginis; spatio annorum DLXXXIII. defecit grad. 139. 47. quare convenit cum nostra tabula. Deinde anno DCII. a primo anno Nabonafari, refert contigisse aequinoctium autumnale, die tertio superadditorum media nocte existente; proinde tunc Sol erat medio motu in 2. 13. Librae; & quum anno primo Nabonafari, eadem hora  
H esset

(1) Fuit annus Nabonafari 574. quo Θωθ coepit die 6. Οκτubr.

esset in 28. 12. Aquarii, manifestum est, defectum fuisse grad. 146. 9. qui proxime accedit ad illum, quem ex nostra tabula deprehendimus; ex ea enim annorum DCI. defectus colligitur grad. 146. 6. & annus DCVI. (1) post imperium Nabonafari refert contigisse eclipsim Lunae mensis Τυβί, die secundo hor. 10. 10. post meridiem, Sole existente motu vero in 7. 8. Aquarii, & medio itaque in 3. 6. Horum igitur annorum spatio cum ex nostra tabula, tum ex hac observatione fuit grad. 147. 19. defectus; nam primo anno Nabonafari hac eadem hora, Sol erat in --. 25. Cancrī. Similiter defectus, qui anno DCXX. a Nabonafaro colligitur grad. 150. 33. nam mensis Επιφί, die XVI. hor. 6. 10. ante meridiem erat in 10. 27. Leonis; quum tamen ea hora anno primo Nabonafari, fuerit in 11. Capricorni, concordat fere cum nostra tabula, ex qua defectus annorum DCXIX. est grad. 150. 29. Sic anno sequenti mensis Φαργυλί, die XI. hor. 5. 40. ante meridiem, Sol erat in 6. 44. Tauri, & anno primo Nabonafari hac hora fuerat in 7. 21. Librae: defecit igitur grad. 150. 40. quum ex tabula deficere debuisset grad. 150. 43. quot gradus ad unguem defecisse constat ex observatione habita eodem anno mensis Παύσι, die XVII. hor. 4. post meridiem; ex ea enim deprehenditur, Solem extitisse medio motu in 12. 15. quum tamen certum sit eadem hac hora primo anno imperii Nabonafari, fuisse in 12. 48. Sagittarii. Ita pariter anno XV. imperii Hadriani, quoniam mensis Τυβί, die XXVI. hor. 13. post meridiem contigit oppositio Martis existentis in 21. Geminorum, Sol erat tunc in 21. Sagittarii, qua hora anno primo Nabonafari

(1) Anno 606. Nabonaf. ΕΨΨ | eclipsis contigit die 17. Ianuarii, sequente 28.

bonafari, erat in 24. 12. Cancrī; annis igitur DCCCLXXVII. defecit grad. 213. 12. quod plane cum nostra tabula convenit. Denique anno DCCCLXXX. (1) post imperium Nabonafari, contigit aequinoctium autumnale mensis *Ἀϋρ*, die VII. hor. 2. post meridiem; & proinde Sol eo tempore, ut etiam inquit ipse Ptolemaeus, erat in 2. 10. Librae: igitur, quum eadem hora primo anno imperii Nabonafari fuerit in 5. 53. Tauri, annis DCCCLXXIX. defecit grad. 213. 43. quot proxime defecisse constat ex (2) eclipsi Lunae, quae contigit die secundo mensis *Παύσι* post meridiem hor. 11. 15. Sole existente vero motu in 13. 15. Tauri, proinde medio in 12. 24. quoniam eadem hora, anno primo imperii Nabonafari, erat in 16. 3. Sagittarii; ergo defecit grad. 213. 39. ut etiam ex oppositione Iovis, existentis in 23. 11. Scorpii; quare die primo mensis *Ἐπιφί*, hor. 11. post meridiem, Sol erat in 23. 11. Tauri: ergo defecit grad. 213. 42. nam primo anno imperii Nabonafari, erat in 26. 53. Sagittarii ea hora qua contigit oppositio, quum tamen, si tabulam nostram adeamus, deprehendatur defectus grad. 213. 41. hoc temporis intervallo: quot absque ulla vel minima discrepantia colligitur fuisse ex oppositione Saturni, existentis in 9. 40. Sagittarii; inferitur enim Solem fuisse in 9. 40. Geminorum, mensis *Ἐπιφί*, die XVIII. hor. 4. post meridiem; qua hora, anno primo Nabonafari erat in 13. 2. Capricorni; ita etiam nihil discrepat defectus, qui deducitur anno DCCCLXXXII. ex eclipsi, quae contigit mensis

H 2

(1) Anno 880. Nabonaf. *Θω*<sup>6</sup> coepit die 17. Iulii.

(2) Haec eclipsis contigit die 10. mensis Payni, nempe

Maii die 6. hor. 11. 15. a meridie Alexandriae anno Nabonafari 880.

sis (1) Χεῖλξ, die secundo hor. 11. post meridiem, Sole existente motu vero in 25. 6. Librae; & proinde medio in 26. 43. nam hac ipsa hora anno primo Nabonafari, Sol erat in --. 54. Geminorum; quare defectus fuit grad. 214. 11. Sic anni sequentis defectus, ex tabula excerptus, est grad. 214. 25. & tot etiam defecisse apparet ex oppositione Saturni existentis in 14. 14. Capricorni: ex quo deducitur, mensis Μεσση die xxiv. meridie existente, Solem fuisse in 14. 14. Cancri, quum primo anno imperii Nabonafari, ea hora qua contigit oppositio, fuerit in 18. 40. Aquarii. Nec pariter discrepat defectus, qui deducitur ex eclipsi, quae contigit mensis Φαρμεύς (2) die xix. post meridiem, hor. 16. Sole vero motu existente in 14. 5. Piscium: & proinde medio in 11. 44. hac namque hora primo anno Nabonafari, Sol erat in 16. 7. Librae: defecit igitur grad. 214. 22. Ex eclipsi autem, quae contigit mensis Αἰὺρ, die xiii. hor. 5. 50. post meridiem, Sole existente medio motu in 7. 31. Librae, colligitur Solem defecisse grad. 214. 27. nam anno primo Nabonafari, erat in 11. 58. Tauri. Similiter anno DCCCLXXXIV.prehenditur defecisse grad. 214. 40. nam contigit oppositio Iovis existentis in 7. 54. Piscium: & proinde Sol erat in 7. 54. Virginis mensis Φωσφι die xiii. hor. 10. post meridiem; qua hora anno primo Nabonafari, erat in 12. 33. Arietis, ut etiam ex tabula defectus annorum DCCCLXXXIII. tot graduumprehenditur. Anno vero imperii Antonini primo, scilicet anno sequenti, defecit grad. 214. 56. nam, quum contigerit oppositio pariter Iovis

(1) Nempe die 10. Octobris  
anno Christi 134.

(2) Die 5. Martii seq. 6. an-

no Christi 136. Θωθ coepit  
die 20. Iulii.

Iovis existentis in 14. 23. Arietis, Sol erat in 14. 23. Librae, anno autem primo Nabonafari, mensis *Abūp* die xx. hor. 17. post meridiem, erat in 19. 19. Tauri; quum tamen tabula complectatur defectum grad. 214. 54. ita pariter ex ea defectus annorum DCCCLXXXV. est grad. 215. 9. & tot etiam grad. defecisse apparet ex Ptolemaeo, anno enim secundo imperii Antonini, mensis *Φαμενώ* die xxv. hor. 5. 15. ante meridiem, Sol erat in 16. 27. Aquarii; & mensis *Μεσορῆ* die xxvi. hor. 17. post meridiem, in 16. 11. Cancrī; & mensis *Μεσίρ* die vi. hor. 8. post meridiem in 28. 41. Sagittarii; quum tamen primo anno Nabonafari, esset in 21. 36. Virginis; in 21. 20. Aquarii, in 3. 51. Leonis. Sequentis quoque anni defectus ex tabula est grad. 215. 23. & tot etiam gradus defecisse Solem, ex Ptolemaeo deprehenditur; nam anno CCCCLXIII. post Alexandri mortem mensis *Abūp*, die nono, hor. 1. post ortum Solis, contigit aequinoctium autumnale; & proinde Sol medio motu erat in 2. 11. Librae; aequinoctium autem vernum, mensis *Παχών* die vii. hor. 1. post meridiem, & proinde Sol medio motu erat in 27. 52. Piscium; anno autem primo Nabonafari erat in 7. 34. Tauri, & in 3. 15. Scorpii.

Quod si de his etiam Theonem consulamus, eadem pariter ratione probari potest, nec exacto MCCI. annorum curriculo, adhuc adiectos fuisse dies intercalares ab Aegyptiis; nam ex tabula tot annorum defectus deprehenditur grad. 270. 6. & tot etiam ex Theone; asserit enim mensis *Θύ* die xxiii. hor. 20. 3. post meridiem, Solem fuisse in 23. 10. Geminorum; & tamen constat, anno primo imperii Nabonafari eadem hora, Solem fuisse in 23. 16. Piscium. Nec multum discrepat, quod alio loco asse-

asserit, anno LXXXI. Diocletiani mensis Φαμενώθ, die vi. hor. 6. 30. post meridiem, Solem fuisse in 3. 10. Sagittarii; nam, quum anno primo Nabonafari, ea hora fuerit in 3. 21. Virginis, colligitur Solem annis MCXI. defecisse grad. 270. 11. & propterea plus defecit 5. sexagesimis partibus, quam nostra tabula indicat. Nullus itaque amplius in ambiguo perstabit, an proculdubio Aegyptii numquam diebus intercalaribus uterentur, quam locupletissimus id testimoniis evicerim, ut ad hoc pro certo ponendum nihil deesse videatur. Primum enim enumeratis omnibus diebus, qui annum constant, numquam amplius quam CCCLXV. recenseri posse docuimus. Rursus eodem mense, Solem fuisse in dissidentibus inter se Signis, quin etiam in oppositis ex diametro, quod alia ratione evenire non posse existimandum est, quam ex eo, quod intercalares dies non apponerent: ut pariter, quod aequinoctia & solstitia pro ratione elapsum annorum tot diebus post contingerent. Deinde ipsum Ptolemaeum non semel dicentem annum Aegyptiorum diebus CCCLXV. constare produximus. Denique Solem obtinere diversa signa eodem mense ostendimus, istamque differentiam illi omnino, quam exoriri necesse est ex eo, quod intercalares dies numquam adiciantur, respondere clarissime docuimus cum ex Ptolemaeo, tum ex Theone. Hac itaque tantum ratione assequi poterimus, cui ex nostris quilibet dies mensium Aegyptiorum respondeat, si sciamus quot anni praeterierint a primo imperio Nabonafari; iam enim scimus anno CCCCLXVI. a Nabonafaro Θωθ, (1) mensem nostro omnino Novembri respondisse: illud etiam scimus quot dies quotlibet anni Aegyptiorum deficiant

(1) Θωθ coepit die 1. Novembris anno 466. Nabonafari.



sciunt cum nostris comparati. His positis, evidens est emendandum esse locum Ptolemaei pag. 271. P. Cap. viii. Lib. xi. ubi legitur a primo meridie mensis  $\Theta\omega\theta$ , primi anni imperii Nabonafari, usque ad observationem, quae ex initio Cap. vii. Lib. xi. pag. 269. f. habita fuit anno  $\text{DXLX}$ . a Nabonafari imperio, mensis  $\text{T}\nu\beta\iota$  die xiv. vespere, praeter integros annos, praeteriisse dies  $\text{CXLIII}$ . 15. quo loco legendum est  $\text{CXXXIII}$ . 15. nam si erat mensis  $\text{T}\nu\beta\iota$ , a primo meridie mensis  $\Theta\omega\theta$ , usque ad primum ipsius  $\text{T}\nu\beta\iota$ , elapsos fuisse iv. menses sive  $\text{CXX}$ . dies constat, & usque ad xiv. elapsos fuisse  $\text{CXXXIII}$ . Ne vero videat loca Ptolemaei ordini mensium, quem constitui, non ordinem mensium auctoritati eiusdem accomodare, ex loco etiam Solis colligitur ita legendum esse; nam primo anno imperii Nabonafari Sol, diebus  $\text{CXXXIII}$ . post primum meridiem mensis  $\Theta\omega\theta$ , vespere existente, erat in 12. 47. Cancr; verum annis  $\text{DXVIII}$ . deficit Sol grad. 125. 56. quare die  $\text{CXXXIII}$ . non  $\text{CXIII}$ . post primum meridiem mensis  $\Theta\omega\theta$ , Sol erat in 6. 10. Piscium. Nec quidem me praeterit, Solem tunc debuisse existere in 6. 51. sed considerandum illud sub ea, horam, qua observatio habita est, non fuisse exacte designatam; proinde ex hoc provenire potuit differentia 41. sexagesimarum partium unius gradus circiter: insuper & me in subducendis calculis, quo loco fuisset Sol primo anno imperii Nabonafari, decipi potuisse non negaverim. Plurima alia loca hac ratione emendari potuissent, & haec emendationis ratio tutissima & utilissima fuerit; nam facile est in diebus enumerandis obrepisse errorem, quum saepissime alia pro alia littera ponatur, nec consulendo plures codices & editiones, certiores fieri possu-

possumus ; nos tamen hunc tantum locum expunximus , quia etiam in editione Latina , idem legitur ac in Graeca.

*De annis & mensibus Alexandrinis  
aliqua non iniucunda subiiciuntur.*

C A P. IX.



ACTENVS de Aegyptiorum mensibus : nunc an Alexandrini quid in suis mensibus peculiare habeant inspiciendum : & in hoc tantum discrepare videntur , quod anni , & mensis  $\Theta\omega^9$  initium faciebant xcvii. diebus post , sive ante dies cclxviii. quod ex Theone mihi videor deducere posse , qui pag. 281. f. in commentariis in Cap. iij. Lib. vi. ut deprehendat quo mense & quo mensis die contigerit coniunctio Lunae iuxta Alexandrinos , quae observata fuit die xxiv. mensis  $\Theta\omega^9$  iuxta Aegyptios , addit istis diebus xxiv. alios ccclxv. & ex diebus his , qui una compositi fiunt ccclxxxix. detrahit dies xcvii. & inde infert ab initio anni , sive mensis  $\Theta\omega^9$  iuxta Alexandrinos , elapsos fuisse dies ccxcii. qui reliqui sunt. Ex quo deducitur , primum etiam Alexandrinos annum auspicari a principio mensis  $\Theta\omega^9$ . Deinde cum dicat diem ccxcii. anni esse xxii. mensis Παύσι , videntur menses Alexandrinorum in ceteris omnibus cum mensibus Aegyptiorum omnino convenire ; quod comprobatur , cum quia pag. 332. m. in commentariis in Cap. viii. Lib. vi. repetit coniunctio-

tionem, quae contigit die xxiv. mensis Θῶθ iuxta Aegyptios, iuxta Alexandrinos contigisse die xxii. mensis Παύσι; tum quia pag. 285. P. & M. in commentariis in Cap. iil. Lib. vi. & pag. 319. P. in commentariis in Cap. vii. Lib. vi. tradit oppositionem Lunae observatam die vi. mensis Φαμενῶθ iuxta Aegyptios, contigisse die xxix. mensis Αδύρ iuxta Alexandrinos: unde apparet manifeste, iuxta Alexandrinos & annum incepisse, die viii. mensis Χοιάκ iuxta Aegyptios, & utrumque menses in ceteris omnibus eadem omnino ratione procedere. Cum vero dicta pag. 332. dicat fuisse diem xxiv. mensis Θῶθ, iuxta Aegyptios, & annum mxxii. (1) ab imperio Nabonafari; iuxta vero Alexandrinos mensis Παύσι diem xxii. & eundem annum mxxii. illud vereri subit, ne Alexandrini initium anni ante Aegyptios diebus cclxviii. facerent; nam alioquin, si principium anni sumpsissent diebus xcvi. post, futurum fuisse videtur ut existeret iuxta Aegyptios annus mxxii. & iuxta Alexandrinos annus mxxi. ab imperio Nabonafari. Quicquid tamen sit, certum est Alexandrinos exordium anni habere die octavo mensis Χοιάκ iuxta Aegyptios.

(1) Anno Nabonafari 1112. Christi 374. bisextili, Cyclo Solis ix. litt. DC. Θῶθ anni vagi Aegyptiorum coepit die 14. Maii Romanorum. Hinc dies 14. mensis Θῶθ anni vagi, concurrebat cum die 16. Iunii Romanorum, ac die 11. Payni mensis 10. in anno fixo Aegyptiorum apud Alexandriam: qui quidem annus

fixus una cum mense Θῶθ iniit die 30. Augusti, eo quod erat annus bisextilis, uti diserte tradit Ammianus Marcellinus Lib. xxvi. scribens eo anno die intercalari vi. Kal. Martias imperium delatum fuisse post Ioviani mortem Valentiniano, qui metu diei intercalaris, noluit eo die in publicum procedere, &c.

F I N I S.



KONSERVIERT DURCH  
ÖSTERREICHISCHE FLORENZILFFE  
WIEN 1967

5643702

